

الشقة رقم 112

قصة تمثيلية للتلفزيون

قصة وسيناريو وحوار

د. نوال السعداوى

الشخصيات:

1. كوثر رشاد : صحفية فى الخامسة والعشرين، قوية الشخصية، جميلة.
2. فتحية التهامى : سكرتيرة مدير الشركة، فى الخامسة والعشرين، جميلة، متوسطة الشخصية.
3. نبيلة عبد السميع : مدرسة فى مدرسة بنات، فى الخامسة والعشرين، جميلة، ضعيفة الشخصية.
4. توفيق زكى : رئيس تحرير، فى الخامسة والثلاثين، قوى الشخصية، مزيف.
5. عصام فريد : أديب وكاتب، فى الخامسة والثلاثين، قوى الشخصية، صادق.
6. مصطفى شكرى : موظف فى شركة، فى الخامسة والعشرين، بسيط وصادق.
7. على صالح : مدير شركة، فى الخمسين، ضعيف، ثرى.
8. ممدوح طالبة : مدرس فى مدرسة بنات، فى الثلاثين، رجل عادى.
9. د. زكريا محمد : طبيب عادى، فى الثلاثين.
10. يحيى بدوى : صحفى خفيف الظل، فى الخامسة والعشرين.
11. أستاذ رشاد : والد كوثر، فى الستين، قوى الشخصية، مثقف، ميسور الحال.
12. أستاذ عبد السميع : والد نبيلة، فى الستين، قاس، جاهل، متوسط الحال.
13. أم فتحية : امرأة فى الخمسين، فقيرة، جاهلة.
14. أم نبيلة : امرأة منكسرة، فى الخمسين.
15. مطلقه على صالح : امرأة طيبة، فى الأربعين.
16. نهاد : إبنة على صالح الكبرى، فى السابعة عشر.
17. الدادة (أم محمد) : امرأة فى الخمسين، تشتغل عند البنات الثلاثة.
18. دولت : صديقة نبيلة.

وشخصيات ثانوية أخرى كالسعاة والمحرمين وبنات على صالح وطفل صغير.

الديكور:

- 1- الشقة رقم 112، يظهر منها الآتى:
أ) الباب الخارجى وعليه رقم 112.
ب) الصالة وبها طاقم كراسى وكنبة للاستقبال ومائدة طعام وكراسيها وتليفون.
يفتح على الصالة خمسة أبواب:
1) الباب الخارجى للشقة.
2) باب حجرة كوثر.
3) باب حجرة فتحية.
4) باب حجرة نبيلة.
5) باب المطبخ.
ج) حجرة كوثر وبها سرير ودولاب ومكتب صغير، وأثاث بسيط.
د) حجرة فتحية، وبها سرير ودولاب، وأثاث بسيط.
هـ) حجرة نبيلة، بها سرير ودولاب، أثاث بسيط.
- 2- الشركة التى تشتغل فيها فتحية ويظهر منها الآتى:
أ) حجرة مكتب على صالح مدير الشركة، وبها مكتب فاخر، وتليفون.
ب) حجرة مكتب فتحية، بها مكتبين، مكتب فتحية، ومكتب زميلها مصطفى شكرى، ولها باب داخلى يقود إلى حجرة المدير بها تليفون.
- 3- شقة نبيلة وزوجها "د. زكريا" ويظهر منها الآتى:
أ) الصالة بها طاقم استقبال ومائدة طعام، وتليفون.
ب) حجرة نوم الزوجين. متوسطة الحال.
- 4- شقة فتحية وزوجها على صالح ويظهر منها الآتى:
أ) الصالة، بها أثاث فاخر للاستقبال وتليفون.
ب) حجرة النوم، فاخرة، بها سرير فاخر، ودولاب فاخر.
- 5- الدار الصحفية التى تشتغل بها كوثر ويظهر منها الآتى:
أ) حجرة مكتب رئيس التحرير، فاخرة، بها تليفون.
ب) حجرة مكتب كوثر، بها مكتبين، وتليفون.
- 6- شقة توفيق زكى الخاصة ويظهر منها الآتى:
- صالة صغيرة أنيقة بها كنبه كبيرة وبار صغير وتليفون.
- 7- مكتب عصام فريد:
- حجرة مكتب أنيقة، بها تليفون.

- 8- شقة والد كوثر فى طنطا:
- يظهر منها صالة وهى أنيقة بسيطة تحتوى على طاقم استقبال وكنبة.
- 9- الحجرة التى تسكن فيها أم فتحية فى طنطا:
- حجرة بسيطة، بها أثاث قديم يدل على الفقر.
- 10- شقة والد نبيلة فى أسيوط:
- يظهر منها الصالة، أثاثها كبير وقديم يدل على التزمت.
- 11- جانب من حديقة فى كازينو:
- بها مائدة صغيرة وكريسيين.

الافتتاحية ...

موسيقى ... تعبير عن الحركة السريعة والجرى .. ثم تهدأ شيئاً فشيئاً ... تتوقف ... تعود إلى الحماس والحركة السريعة .. تظهر سيقان الثلاثة فتيات يسرن بخطى سريعة .. ويجريين .. تهدأ الخطوات .. تتوقف .. ثم تتفرق .. ساقا كل فتاة تسيران في اتجاه. كلوز اب على ساقى فتاة واحدة .. تسير وحدها .. على مهل .. تصعد سلالم .. وتتوقف .. تصعد الكاميرا إلى جسم الفتاة كوثر رشاد ووجهها .. ثم إلى باب الشقة الذى تتوقف أمامه يحمل رقم 112.

تخرج كوثر من حقيبتها الصغيرة مفتاح الشقة. تفتح الباب وتدخل .. تتوقف الموسيقى .. تدخل كوثر إلى الصالة .. تسير فى الصالة وتفتح باب حجرتها المغلق وتدخل إلى حجرتها، تخرج بدون الحقيبة .. تقف فى الصالة.

الدادة ترد من داخل المطبخ ..

كوثر

داده .. هاتيلي أكل.

الدادة

حاضر يا ست كوثر.

كوثر

كوثر تسير إلى التليفون .. تطلب رقماً تتكلم فى التليفون.

ألو .. الاستاذ توفيق .. أنا كوثر رشاد .. الموضوع

جاهز .. لا أزاي، أنا حسلمه النهاردة .. بعد الظهر

.. لا يا أستاذ توفيق .. أنا دائماً أسلم الموضوع قبل

الميعاد. مش معقول .. طيب .. مرسى خالص ..

مع السلامة.

تظهر الدادة حاملة أطباق العام تضعها على السفرة بسرعة وتعود إلى المطبخ.

نضحك

كوثر تضع السمانة. وتشير إلى مائدة الطعام .. تشم الاطباق وتبدأ الأكل.

الدادة تخرج من المطبخ حاملة بقية أطباق الطعام .. وتضعها على المائدة أمام كوثر .. كوثر تستمر فى الأكل دون أن تلتفت إليها

الدادة

مش عوزة حاجة تانى يا ست كوثر؟

كوثر

لا .. مرسى.

الدادة تدخل إلى المطبخ

كوثر تستمر في الأكل.

يفتح الباب الخارجي للشقة وتدخل فتحية .. تحمل حقيبة يد كبيرة. ترتدى بلوزة وجيب.

تدخل إلى حجرتها وتغلق الباب.

كوثر تنتهي من الأكل. تنهض وتسير إلى باب المطبخ وتقف تكلم الدادة

كوثر أنا حنام ساعة يا دادة .. ما حدش يصحيني.
صوت الدادة من داخل المطبخ حاضر يا ست كوثر

تخرج فتحية من حجرتها ترتدى فستانا بسيطا وتحمل حقيبة يد صغيرة.

تخرج من الباب الخارجي.

الدادة تخرج من المطبخ وتتنظف المائدة وترفع الاطباق..

الدادة ألو ... مين؟
يدق جرس التليفون .. الدادة تسير إلى التليفون وترفع السماعة.

تظهر نبيلة وهي تمسك بسماعة التليفون تتحدث ..

نبيلة يبدو على ملامحها الخوف والقلق
إسمعي يا دادة .. انا مش جاية على الغدا ..
وحتأخر الليلة شوية .. لا.. حد اتكلم من
أسيوط؟.. خالص؟ طيب .. مع السلامة.

نبيلة تضع السماعة .. ويظهر أنها جالسة فى حجرة استقبال تجلس إلى جوارها صديقتها دولت ..

دولت مش قلت لك ما حدش اتكلم..

نبيلة الحمد لله.

دولت يا للابقى عشان نتعدى ونستريح شوية قبل ما بييجى.

نبيلة هو جاى إيمته؟

دولت الساعة سبعة..

نبيلة أنا مش مصدقة..

دولت ليه بقه؟

نبيلة مش عارفة .. هاتى إيدك..

تضع يد دولت على قلبها

دولت بيدق قوى..

نبيلة أنا خايفة..

دولت من إيه؟

نبيلة مش عارفة..

نبيلة تسير فى قلق وحيرة ..

دولت تتأملها ثم تضحك فى سخرية..

دولت تعرفى إنتى عاملة زى البنات اللي عمرها خمستاشر

سنة..مش خمسة وعشرين..!!

نبيلة صدقيني يا دولت .. أول مرة فى حياتى أعمل

كده..!

دولت تضحك وتأخذ نبيلة من يدها ويدخلان إلى حجرة

الطعام..

جانب من كازينو صغير جميل يطل على النيل..
فتحية تجلس إلى مائدة تتناول الغداء مع مصطفى شكرى.

يتبادلان النظرات فى صمت..

مصطفى يبتسم .. فتحية تهيم بنظراتها بعيدا فى شروء..

بتفكرى فى إيه يا فتحية؟
بفكر فى أدايه المكان ده جميل. تصور لو كنت
ساكنة فى شقة على النيل .. والشقة لها بلكونة حلوة
.. وكل يوم اشوف المنظر الجميل ده..
احنا محرومين يا مصطفى..

فتحية تتامل المنظر وتتهد فى حسرة

محرومين من الدنيا..
مصطفى بالعكس..بصى شوفى البيوت اللى على النيل..

فتحية ومصطفى ينظران إلى البيوت التى تطل على النيل

شايفة إيه؟
ولا حاجة .. بيوت حلوة..
مصطفى مش شايفة كل شبابيكها مقفولين..
الناس اللى بيشفوا النيل كل يوم وكل ساعة بيبقى
النيل فى نظرهم ولا حاجة..

فتحية تضحك فى سخرية خفيفة

مصطفى مش عاجبك كلامى..
فتحية بالعكس .. عاجبنى..
مصطفى انا حاسس انك تقصدى العكس..
مصطفى فتحية..
فتحية نعم..

ينظر إليها فى اهتمام شديد..

مصطفى فتحية ..انا عاوز اسعدك.. عاوز أحس إنى اقدر
أسعدك.. قوللى اعملك إيه؟
فتحية ولا حاجة يا مصطفى.
مصطفى تحبى اسافر طنطا إمتة؟
فتحية لسه شوية..

يمسك يدها فى حب..

فتحية يبدو عليها التأثر

مصطفى مستنيه إيه يا فتحية؟

فتحية لما أمى تخف..

مصطفى هى عيانة؟

يبدو على فتحية الحزن والألم

فتحية أيوه..

مصطفى بايه؟

فتحية تنتهد فى ألم..

فتحية مش عارفة.....

مصطفى أنا حاسس إنك بتخبى حاجة على..

فتحية ابدا ولا حاجة..

فتحية شاردة..

مصطفى ينظر إليها فى حب وقلق..

حجرة مكتب كوثر فى الجورنال..فى الحجرة مكتب ثان
يجلس إليه يحيى بدر- زميل كوثر- يكتب فى اهتمام.

كوثر تدخل وتجلس إلى مكتبها وتبدأ فى مراجعة بعض
أوراقها.. يحيى يرفع رأسه من فوق أوراقه وينظر إلى
كوثر..

يحيى توفيق زكى سأل عليكى يا كوثر.
كوثر أنا رايحه له حالا..

كوثر تجمع أوراقها وتنهض وتدخل من باب جانبي يقود
إلى حجرة مكتب توفيق زكى رئيس التحرير..

توفيق زكى جالس إلى مكتبه وسط الأوراق والمجلات
يتحدث إلى سكرتير التحرير وهو ينظر فى بعض الأوراق

توفيق لا..الموضوع ده ما ينزلش العدد الجاى..أجله
شوية..فين مقال عصام فريد؟
أهلا كوثر..

سكرتير التحرير يقلب فى الأوراق

السكرتير يظهر إنه فى درج مكتبى..
توفيق هاته

يخرج سكرتير التحرير.

كوثر تضع أوراقها أمام توفيق زكى على مكتبه..توفيق
يتصفح الأوراق..كوثر واقفة إلى جواره فى صمت..

توفيق يرفع عينيه من فوق الاوراق وينظر إلى كوثر..

كلوز أب على صدر كوثر ترتدى بلوزة بسيطة انيقة..
يعود توفيق وينظر فى الاوراق ..

كوثر مشغولة بتتبع أوراقها..

توفيق كويس..مش بطل .. مجهزة حاجة للعدد الممتاز ..
كوثر عندى فكرة مش عارفة حيكون رأيك فيها إيه..
توفيق إيه هي؟
كوثر عاوزة أعمل موضوع عن حرية المرأة.. إيه رأيك؟
توفيق فكرة مش جديدة طبعا..
كوثر هي مش جديدة..لكن أنا حاخدها من زاوية جديدة..

يبتسم

يرن جرس التليفون..توفيق يرفع السماعة..

كوثر تسير إلى الباب..نظرات توفيق وهو يتحدث فى التليفون تصوب إلى ظهرها..

كلوز أب على ظهر كوثر وهى تخرج من حجرته..

توفيق

توفيق

طيب .. ورينا..

ألو.. أهلا أهلا..إزاي الصحة ..لا والله..هو ده معقول..أنسى؟! أنسى ازاي بس؟! ها..ها..عيني..عيني الاثنين ها..ها..الليلة؟! مش كده؟ بالذمة إيه؟ هاها..

حجرة الاستقبال فى منزل دولت. ممدوح طلبه واقف يطل
من النافذة ظهره للكاميرا..

تدخل نبيلة إلى الغرفة..وتقف بالباب لحظة وهى تنظر
إلى ظهره فى وجل وارتيابك..ممدوح يستدير ويراها..بيبتسم
ويتقدم إليها..

ممدوح أهلا نبيلة..

نبيلة تسير معه وتجلس فى خجل وارتيابك على الكنبه..

ممدوح يجلس إلى جوارها على الكنبه.

نبيلة تتحرك وهى جالسة مبتعدة عنه..

كلوز أب على نصفها الاسفل وساقها وهى تبتعد فى
جلستها عنه..

ممدوح ينظر إليها وبيبتسم..

ينهض ويقف بالقرب منها وهى جالسة

ممدوح إسمعى يا نبيلة..أنا عاوزك تفهمينى..أنا كنت عاوز
أشوفك..واقعد معاكى..واكلمك..بس..

عارفة يعنى إيه بس..

ينظر إليها فى رقة وحب..

نبيلة تهز رأسها بالإيجاب..

ممدوح ما كنتش عاوز إن احنا نتقابل هنا.
نبيلة إنت عارف يا ممدوح مش ممكن أقابلك برة..
ممدوح مش بنتقى فى؟
نبيلة أيوه..لكن..
ممدوح لكن إيه..
نبيلة الناس..
ممدوح ناس إيه يا نبيلة..أنا باحبك..وانتى بتحبينى..
نبيلة الناس ما تعرفش حاجة اسمها حب..

ممدوح يسير فى الحجرة مفكرا..يجلس إلى جوار
نبيلة..نبيلة تبتعد عنه مرة أخرى

ممدوح أوع تفكرى يا نبيلة إنى متأخر فى إنى أخطبك

رسمى..

لكن أنا كنت عاوز أديكى فرصة إنك تعرفينى
كويس..

أو إنك إنت اللي تعرفنى كويس..
نبييلة..عمرى ما تصورت إنك تشكى فى شعورى
لك..

نبييلة..بصى لى..

نبييلة أنا باحبك وعاوز اتجوزك..هيه..موافقة؟

يظهر على نبييلة الغضب

ممدوح ينظر إليها فى رقة

نبييلة تنتظر بعيدا عنه

يمسك ذقنها بيديه وينظر فى عينيها

نبييلة تبتسم فى سعادة..

وتهز رأسها بالإيجاب..

حجرة مكتب فتحية فى الشركة. بالحجرة مكتب ثان يجلس إليه زميلها مصطفى..فتحية تكتب على الآلة الكاتبة بسرعة..

مصطفى يراجع الحسابات.. على مكتب آلة كاتبة أيضا..

فتحية تتوقف. تخرج الورق من الآلة..بيبدو عليها الإرهاق

مصطفى ينظر إليها فى إشفاق..

مصطفى مالك يا فتحية؟

فتحية تعبت..

مصطفى استريحى شوية..أنا حاكم شغلك..

ينهض ويأخذ الأوراق من فوق مكتبها ويضعها على مكتبه ويبدأ فى الكتابة على الآلة..

مصطفى تعرفى إيه اللى يفوقك يا فتحية دلوقت؟ كباية لمون مثلجة..

يضرب الجرس. يدخل الساعى..

مصطفى كباية لمون للآنسة فتحية.

الساعى حاضر..

يخرج الساعى..مصطفى ينظر إلى فتحية فى حب..ثم يبدأ الكتابة على الآلة...

يرن جرس إلى جوار مكتب فتحية

فتحية يا خبر..على بك عاوز الجوابات.

فتحية تنهض وتدخل من باب جانبي إلى حجرة المدير بعد أن تأخذ بعض الاوراق معها.. حجرة مكتب المدير فاخرة..مدير الشركة على صالح يجلس إلى مكتبه الفخم يدخل.

فتحية تقترب من المكتب فى وجل وتقدم له الاوراق.

على صالح أنا كل سنة بادى الموظفين الكويسين مكافأة

صغيرة قبل العيد..الكشف ده باسماء الموظفين

اللى لهم مكافآت..عليكى إنك تقبضيهم..

فتحية حاضر..

على صالح فتحية..

فتحية تأخذ الكشف من المدير ينادى عليها..

فتحية نعم يا بيه..

إنت إسمك مش فى الكشف.
ليه يا بيه..انا من يوم ما جيت وانا باشتغل
وسيادتك عارف..

على صالح
فتحية

بيدو على فتحية الالم

أيوه عارف..أنا مبسوط جدا من شغلك وأنا قررت
لك مكافأة مضاعفة..وعشان كده ما كتبتش اسمك
فى الكشف عشان الموظفين ما يقولوش اشمعنى..
كثر خيرك يا بيه.

على صالح
فتحية

على صالح يقاطعها..

على صالح ينهض ويسير ناحية فتحية وهى
واقفة..ويناولها شيكا

ده شيك بإسمك..
عشرين جنيهه..
كل سنة وانت طيبة يا فتحية..
وحضرتك طيب يا على بك..

على صالح
فتحية
على صالح
فتحية

فتحية تنظر فى الشيك فى فرح
بيدو على على صالح التأثير

فتحية تأخذ الشيك وكشف المكافآت وتخرج..

تدخل إلى حجرة مكتبها..مصطفى يكتب على
الآلة..تذهب إلى مكتبها..ترى كوب الليمون على
المكتب..تجلس إلى مكتبها..

إفرح يا عم
خير!؟

فتحية
مصطفى

عشرة جنيهه مكافأة عشانك..
مش معقول!؟

فتحية
مصطفى

والله..الكشف أهه..اسمك يا سيدى ثالث
اسم..مصطفى شكرى عشرة جنيهات..وأنا اللي
حاقبضك.

فتحية

آه..افتكرت..عشان العيد..وانت طبعاً أول
أسم..فتحية التهامى..

مصطفى

أبدا..اسمى مش موجود..
ليه؟

فتحية
مصطفى

مش عارفة..

فتحية

فتحية تمثل الألم

ولا يهمك..المكافأة بتاعتي عشانك يا فتحية..

مصطفى

لا..مش ممكن..

فتحية

دى الهدية اللي أنا باديها لك فى العيد..أرجوكى
تقبلها يا فتحية..

مصطفى

لا يا مصطفى..ده كتير..

فتحية

مش كتير عشانك يا فتحية..

مصطفى

بيبتسم لها فى حنان وحب

مصطفى
إشربى اللمون..
فتحية
مرسى يا مصطفى

فتحية تشرب من كوب عصير الليمون ..
يبدو عليها السعادة الحقيقية..

حجرة كوثر فى الشقة رقم 112.

بالحجرة سرير صغير ودولاب.

وفى ركن بعيد مكتب صغير تجلس إليه كوثر تكتب.

نبيلة تدخل فى هدوء وتقف إلى جوارها تقرأ ما تكتبه..

نبيلة تقرأ بصوت عال

نبيلة تقرأ
قد يكون المجتمع أعطى للمرأة بعض الحرية ولكن
المرأة لازالت فى أعماقها رواسب نفسية تجعلها
تخشى الحرية..

نبيلة تضحك فى سخرية

نبيلة
يعنى إيه الكلام ده؟
كوثر
قصدى مش كفاية إن المجتمع يديكى حرية.. لازم
إنت تحسى من جواكى انك انسانة حرة..
نبيلة
فيه واحدة ست عندها حرية.. لا من جوه ولا من
بره؟!..

كوثر
إحنا بنشتغل زى الرجالة وبنأخذ ماهية زيهم لكن
تفتكرى نقدر نتمتع بحياتنا زيهم؟!
ليه لا؟
نبيلة
ليه لا؟ ده احنا نضيع..
كوثر
شوفتى؟ يعنى ما فيش حد بيمنعنا من احنا نمارس
حريتنا.. بس احنا بنخاف.. احنا مش بنحس فى
اعماقنا اننا احرار..
نبيلة
وأيه اللى حياطينا نحس؟

تدخل فتحية وتقف تستمع إليهما على الباب

فتحية
نحس بايه؟
نبيلة
بالحرية..
فتحية
الفلوس..

فتحية تضحك فى مرح

فتحية
من غير فلوس ما فيش حاجة اسمها حرية.. أنا
عاوزة اسافر اسكندرية دلوقت حالا.. اسافر ازاي
من غير ما يكون فى جيبى على الاقل ثلاثين
جنيه..

نبيلة
قولى ثلاثين قرش
فتحية
قرش؟! أنا ما شيلش قروش يا عزيزتى..

تضحك فى مرح وسخرية

كل سنة وانتم طيبين..مش عاوزين حاجة من البلد؟
سلامتك. إسمعى يا دادة.

الدادة
فتحية

تدخل الدادة تحمل صرة ملابسها

فتحية تأخذ الدادة وتخرج إلى الصلاة..تعطيها نقودا..

ما تتأخريش يا دادة..

فتحية

تالت يوم العيد حاكون هنا انشاء الله.

الدادة

ألو..أيوه..مين حضرتك؟ أهلا يا استاذ عبد السميع
.. كل سنة و حضرتك طيب..لحظة واحدة من
فضلك.

فتحية

جرس التليفون يدق. فتحية تذهب إليه وترفع السماعة

نبيلة

فتحية تضع يدها على السماعة وتنادى نبيلة

نبيلة تطل برأسها من باب حجرة كوثر.

بياكى؟

فتحية تشير إلى التليفون وتقول بصوت منخفض

نبيلة تجرى إلى التليفون فى شبه خوف تكلمه باحترام
شديد وخوف..

ألو..أهلا يا بابا..كل سنة و حضرتك
طيب..افندم..حاضر يا بابا..حاضر قطر الساعة
خمسة بكرة إن شاء الله..لا أبدا..حاضر يا
بابا..حاضر..مع السلامة..

نبيلة

نبيلة تضع السماعة..بيدو عليها الكدر والتفكير..كوثر
تخرج وتتنظر إليها وهى جالسة تفكر..

فيه حاجة يا نبيلة؟

كوثر

مش عارفة يا كوثر..صوت بابا غريب قوى المرة
دى..

نبيلة

إزاي؟

كوثر

مش عارفة..زى ما يكون فيه حاجة حصلت أو
حتحصل..

نبيلة

العيد يا نبيلة

كوثر

لا أبدا..مش حكاية عيد..

نبيلة

نبيلة تفكر فى شروود وقلق..تمسك السماعة وتطلب
رقما.. كوثر تدخل إلى حجرتها..

ألو..ممدوح؟ أنا نبيلة.. أهلا بك..أنا مسافرة
أسيوط بكرة الصبح..الساعة خمسة..كل سنة وأنت
طيب..لا أبدا..حاضر حاجاتى النهارده..فين يا
ممدوح؟ إنت عارف..عند دولت؟

نبيلة

يظهر ممدوح وهو يتكلم فى التليفون

مش معقول تسافرى من غير ما اشوفك يا نبيلة..لا
أبدا..دولت ما تقولش حاجة..لازم أشوفك قبل ما

ممدوح

تسافرى حاستناكى فى المحطة..
معلش..اسلم عليكى قبل ما تسافرى..طيب يا
نبيلة..مع السلامة

يضع السماعه بيدو على وجهه الفرح والقلق معا..

نبيلة تضع السماعه بيدو على وجهها الفلق والخوف..

فتحية تخرج من حجرتها ترتدى ملابس الخروج وتحمل
حقيبة صغيرة..تنظر إلى نبيلة وهى جالسة فى
صمت..تسير إلى حجرة كوثر..تقف بالباب..تكلم كوثر
الجالسة إلى المكتب تكتب..

فتحية انا نازلة اشترى شوية حاجات لماما..مش عاوزة
حاجة من البلد؟
كوثر لا مرسى
فتحية حتسافرى طنطا إمتة؟
كوثر يوم الوقفة الصبح..
فتحية كويس..نسا فر سوا..

فتحية تترك كوثر وتخرج من الشقة..

مقصورة فى قطار..نبيلة تقف فى النافذة تمسك حقيبة صغيرة..ممدوح يقف على رصيف المحطة ممسكا بقاعدة النافذة..ينظر إلى نبيلة فى حب..

ممدوح
نبيلة
ممدوح
نبيلة
ممدوح
نبيلة
ممدوح
نبيلة

حترجى امته يا نبيلة؟
يمكن رابع يوم العيد..أو اليوم اللى بعده..
ما تتأخرىش يا نبيلة..
حاضر يا ممدوح..
مش كان أحسن آجى أقابل بابكى فى العيد..
إستته شوية يا ممدوح..لما أشوف الجو إيه..إنت
ما تعرفش بابا..

القطار يصفر..

ممدوح بمسك يد نبيلة مصافحا فى حرارة وحب..نبيلة
تنظر إليه فى تأثر..

ممدوح
نبيلة

مع السلامة يا نبيلة
الله يسلمك..

يترك يدها ويلوح لها بيده مودعا..

الصالة فى منزل الاستاذ عبد السميع والد نبيلة..الاستاذ
عبد السميع يجلس أمامه منضدة عليها علبة نشوق يتنشق
ويعطس بصوت عال..

زوجته تجلس إلى جواره فى صمت..

عبد السميع أنا رأى إن احنا نعمل كتب الكتاب تانى يوم
العيد..
الزوجة الرأى رأيك يا سى عبد السميع..
عبد السميع والا تالت يوم أحسن..
الزوجة الرأى رأيك يا سى عبد السميع
عبد السميع كتب كتاب على طول..أنا ما اعرفش حاجة إسمها
خطوبة وكلام فارغ بتاع الايام دى..
الزوجة أبوه كلام فارغ..
عبد السميع أنا ما كنتش مرتاح أبدا لقعدة البنت فى مصر
وحدها.. وظيفه إيه وكلام فارغ إيه؟
الزوجة أبوه كلام فارغ..
عبد السميع ناولينى علبة النشوق..
الزوجة حاضر..

تناوله علبة النشوق التى أمامه على المنضدة..

عبد السميع تعرفى كان لسه قصاها سنتين فى الوظيفة لغاية
ما تخلص مدة التكليف..لكن الجواز حيلهم بقبلوا
استقالتها..مش كده وإلا إيه.
الزوجة الرأى رأيك يا سى عبد السميع..

جرس الباب يبق

عبد السميع شوف مين يا ولد..

يخرج خادم صغير ويفتح الباب..تدخل نبيلة تحمل حقيبة
السفر..الأم تنهض وترحب بابنتها..الأب فى مكانه لا
يتحرك..

الأم أهلا نبيلة..حمدا لله على السلامة يا بنتى..
نبيلة الله يسلمك يا ماما..

نبيلة تسير إلى والدها الجالس وتصافحه وتقبل يده فى
احترام شديد

الأب حمدا لله على السلامة..
نبيلة الله يسلمك يا بابا..

تعالى يا نبيلة دخلى الشنطة وغيرى هدوم السفر.. الأم

الأم تأخذ نبيلة من يدها

الأم تسير إلى جوار نبيلة..نبيلة تسألها وهما سائران..

أيه الحكاية يا ماما؟ نبيلة

كلوز أب على وجه نبيلة يعبر عن القلق والتساؤل ..

أبوكى حيكتب كتابك فى العيد الأم

كلوز أب على وجه الام

موسيقى-نبيلة تتوقف فى فزع..

مش ممكن! نبيلة

كلوز أب على وجه نبيلة يعبر عن الدهشة والفرح..

اسكتى لابوكى يسمعك! الام

الام تنتظر ناحية الاب فى فزع..

وجه نبيلة يعبر عن الالم والدهشة والحيرة..

الأم تمسكها من يدها وتسير بها إلى نهاية الصالة..

واحد اسمه الدكتور زكريا..أنا ماشوقتنوش..لكن الأم

نبيلة تستمع إليها فى ذهول وشرود..والدموع فى عينيها..

أبوكى بيقول راجل طيب وابن ناس..أبوكى خلاص

اتفق معاه وقبض المهر وكتب الكتاب تالت يوم

العيد

الام تتوقف عن الكلام..

ونبيلة تتوقف عن السير وتستند إلى الحائط وتمسك رأسها

بيديها وتصبح بصوت عال غاضب..

مش ممكن! نبيلة

يسمع صوت الأب وهو يتنحنح.. نبيلة تتراجع فى خوف..

وهى تردد

مش ممكن! نبيلة

أم فتحية جالسة على الارض فى حجرتها الفقيرة. فتحية
تجلس على كنبه بالية

فتحية
الأم

يا امه.. مش حاجيب السيرة دى تانى..
ليه يا بنتى.. ده يوم المنى يوم ما ربنا يعدلها لك.. هو انت
حتفضلى كده من غير جواز..؟

الأم تمسح دموعها بكمها..

فتحية
الأم

وانت؟
انا؟ انا اشتغل واعيش..

فتحية
الأم

يا امه انت ما تقدريش تشتغلى.. الفلوس اللي با بعتهالك
كل شهر بتكفيكى؟

الأم
فتحية

بتكفى وتفيض يا بنتى.. كتر خيرك..

امال زعلانه ليه يا امه؟

الأم
فتحية

ابدا يا بنتى.. انا مش زعلانه..

فتحية
الأم

والنبي يا امه ما تخبى على..

الأم
فتحية

ما فيش حاجة يا فتحية.. انا بس خايفة..

فتحية
الأم

خايفة من ايه يا امه؟

الأم
فتحية

خايفة الجواز يقسى قلبك على.. الراجل من دول بيضايق
لما مراته تخرج قرش بره..

فتحية
الأم

وهو ماله ومال فلوسى.. دى ماهيتى وانا حره فيها..

الأم
فتحية

ديكى الساعة يا بنتى مش حتبقى حرة.. ومش بعيد
يخليكى ما تشوفيش امك خالص..

فتحية
الأم

لأ يا امه.. ده راجل طيب..

الأم
فتحية

واش عرفنا انه طيب يا بنتى..

فتحية
الأم

باين عليه كده..

الأم
فتحية

أهم كلهم ببيانوا كده قبل الجواز.. وبعد الجواز ببيقوا
تعابين.. اوعى يكون طمعان فى القرشين بتوعك يا
فتحية؟

فتحية
الأم

يا امه ده بيدينى فلوس.. ده ادانى المكافأة بتاعته كلها..
عشرة جنيه..

الأم
فتحية

ما هو يدىكى دلوقت عشان ياخذ منك بعدين.. امال يا
بنتى بيرمى الطعم..

فتحية تفكر

فتحية
الأم

مش متهالى يا امه انه من الرجالة دول..

كلوز اب على وجه فتحية تفكر فى ألم.. أمها تنتظر اليها
فى قلق وأسى..

الصالة فى منزل الاستاذ رشاد والد كوثر .. الاستاذ رشاد
جالس على كنبه انيقة .. يضحك فى سرور .. تجلس إلى
جواره كوثر تضحك أيضا ..

كوثر لا يا بابا .. انا مش متفقة معاك فى رأيك ..
الأب ليه؟

كوثر لأن موضوعى الأخرانى كان جرى
الأب بالعكس .. انت لسه مش بتكتبى بشجاعة يا كوثر ..
احيانا تلفى وتدورى عشان تهربى من فكرة جريئة .. ما
انى عودتك دايمى على انك تقولى الحاجة اللى انت
بتفكرى فيها بصراحة ..

كوثر يا بابا ده انا موضوعاتى صريحة جدا بالنسبة لباقى
المحررين ..

الأب جايز .. لكن المهم هى ايه بالنسبة لنفسك .. بالنسبة
للى انت عوزاه مش بالنسبة لباقى المحررين .

كوثر لا .. انا معاك فى دى يا بابا ..

كوثر الحقيقة يا بابا كل حاجة كتبتها لسه مش راضية
عنها .. بالنسبة لنفسى انا مش مكفينى انى اكتب
موضوعات صحفية .. انا عاوزة اكتب أدب ..

الأب مادام عاوزه اكتبى .. ما تستنيش حد يقولك اكتبى ..
واذا كنت ادبية صحيح لازم حتكتبى .. واذا جت
ظروف ومنعتك من انك تكتبى تبقى مش أدبية وبلاش
تكتبى ..

كوثر قصدك الأدب بيفرض نفسه على الأديب فى أى
ظرف ..

الادب مش الأدب بس .. أى فن ..

الأب وياه اخبارك الثانية؟ غير الصحافة والأدب ..

كوثر لا جديد تحت الشمس ..

كوثر تضحك ..

كوثر تتوقف عن الضحك .. تنظر إلى ابيها فى جدية

كوثر تنظر إلى ابيها وتبتسم فى اعجاب

كوثر تضحك . وابوها يشاركها الضحك فى صداقة وابوة ..

كلوز اب على اصابع الدكتور زكريا محمد يضع خاتم
الزواج فى اصبع نبيلة.. تصعد الكاميرا إلى وجه الدكتور
زكريا وهو يبتسم فى برود.. ويظهر وجه نبيلة وهى واجمة
شاردة تلبس طرحة العرس.. تتجه نظراتها إلى ابوها
الجالس بالقرب منها وهو ينظر إليها فى شدة..
نبيلة تبتسم فى آلية..
أمها تجلس إلى جوارها فى ضعف وانكسار..
راقصة ترقص.. موسيقى.. زغرودة طويلة..
كلوز اب على وجه زكريا ينظر إلى نبيلة فى غرابة.. وهى
تنظر إليه فى غرابة..

الصالة فى الشقة رقم 112 خالية.. يفتح الباب الخارجى
وتدخل الدادة تحمل صرة ملابسها..

تسير فى الصالة وتكلم نفسها..

تتطلع إلى الصالة الخالية.. تنتظر إلى ابواب الحجرات
المغلقة.. باب واحد مفتوح هو باب فتحية..

الدادة تسير وتقف على عتبة الباب وتنتظر داخل الحجرة..

بسم الله الرحمن الرحيم.. ما حدث جبه والا إيه؟

الدادة حمدا لله على السلامة يا ست فتحية..

فتحية الله يسلمك يا دادة..

الدادة سلمتى لى على السيد البدوى..

فتحية طبعا..

الدادة امال الست كوثر ما جتتش معاكى ليه؟

فتحية جايه بكره.. والنبي اعلمى لى كباية شاي يا دادة.

الدادة من عيني

تدخل الدادة المطبخ..

تخرج فتحية إلى الصالة.. تجلس إلى جوار التليفون..
تطلب رقما..

فتحية الو.. ازيك يا مصطفى.. الله يسلمك.. جيت النهاردة..

لا والله هى لسه عيانة شوية.. اخبار الشغل ايه؟ كله

كويس.. على بك سأل على؟.. انا اجازتى تخلص

النهاردة.. طيب يا مصطفى.. انا جاية المكتب.. مع

السلامة..

الدادة تناولها كوب الشاي..

فتحية تمسك الكوب تشرب منه وهى شاردة تفكر..

مكتب على صالح مدير الشركة..
على صالح جالس إلى مكتبه.. يبدو عليه الاكتئاب بعض
الشيء.. والقلق.. يدخل سيجارا..
يضرب جرسا.. يدخل الساعي..

على صالح الأتسة فتحية التهامى ماجتش لسه؟
الساعي لا يا سعادة البيه..
على صالح طيب ابعت لى زميلها اللي معاها فى المكتب..
الساعي حاضر يا بيه..

يخرج الساعي..
على صالح يبدو عليه القلق.. يدخل يدخل مصطفى
شكرى..

على صالح هى فتحية ما جتش؟
مصطفى جاية فى السكة يا فندم..
على صالح انت اتصلت بيها فى البيت..
مصطفى لا يا فندم.. هى اتصلت من شوية..
على صالح طيب.. اول ما توصل خليها تيجينى على طول..
مصطفى حاضر..
على صالح متشكر..

مصطفى يخرج
على صالح ينظر فى الاوراق امامه فى قلق وانتظار..

مكتب مصطفى شكرى.. مصطفى جالس إلى مكتبه يكتب.. تدخل فتحية.. مصطفى يترك الكتابة وينهض مرحبا بها..

مصطفى أهلا فتحية.. حمدا لله على السلامة
فتحية الله يسلمك يا مصطفى..

ينظر إليها فى ود شديد..

مصطفى فتحية ايه الحكاية؟ على بك عاوزنى ليه؟
مصطفى مش عارف.. يظهر عنده شغل مستعجل.. ادخليله دلوقت يا فتحية..
فتحية حاضر..

تضع حقيبتها الصغيرة على مكتبها وتدخل إلى على بك..
على صالح يرى فتحية تدخل حجرته.. تضع التكشيرة ويبتسم فى سرور.. ينهض يصافحها..

على صالح أهلا فتحية.. ايه الغيبة الطويلة دى؟
فتحية أجازة العيد يا على بك..
على صالح أبوه عارف.. لكن..

يسكت لحظة وينظر إليها فى ود

تعرفى إنك فعلا شايله عنى شغل كثير.. بصراحة يا فتحية حسيت انى مش عارف اشتغل من غيرك..
فتحية لا العفو يا على بك..
على صالح انا بقول الحقيقة يا فتحية.. انا كنت حاسس ان فيه حاجة ناقصة.. ناقصانى..

يقترّب منها وهى واقفة

ارجوكى يا فتحية ما تغيبيش عن المكتب كثير كده.. عشان خاطرى..
فتحية حاضر

فتحية تطرق فى حياء

يضع يده على كتفها فى حنان

ينظر إليها فى حب وحنان..

فتحية تتركه وتخرج..

تدخل فتحية إلى مكتبها وتجلس شادة.. مصطفى ينظر إليها فى تساؤل..

مصطفى فيه إيه يا فتحية؟

فتحية شادة تفكر..

فتحية ابدأ.. ولا حاجة..

ترد بعد فترة صمت..

كلوز اب على وجهها يعبر عن الفرح الخفى..

حجرة مكتب كوثر فى الجريدة..
كوثر تدخل إلى الحجرة.. تجلس إلى مكتبها.. تخرج
بعض الاوراق وتراجعها فى اهتمام.. ترفع سماعة التليفون
وتطلب رقما..

كوثر الو.. الاستاذ عصام فريد.. اهلا وسهلا.. انا كوثر
رشاد.. الله يسلمك.. وانت طيب.. انا باعمل موضوع
عن حرية المرأة وعاوزة آخذ رأيك..

تضحك

طبعا.. ما هو عشان كده انا عاوزة اكتب رأيك..
ايوه.. ايوه..

تمسك قلما وورقة وتكتب رأيه..

حجرة مكتب توفيق زكى رئيس التحرير

توفيق يجلس وسط الاوراق الكثيرة.. يضرب جرسا.. يدخل
الساعى..

توفيق قول للآنسة كوثر تيجى عندى شوية
الساعى حاضر يا فندم..

يخرج الساعى

يدخل إلى حجرة كوثر..

كوثر مرسى قوى يا استاذ عصام.. مع السلامة

كوثر تنتهى من المكالمة التليفونية
تضع السماعة

الساعى الاستاذ توفيق عاوز سيادتك
كوثر طيب..

تترك مكتبها وتدخل إلى حجرة توفيق
توفيق ينهض ويصافحها..

توفيق أهلا كوثر.. حمدا لله على السلامة
كوثر الله يسلمك..

توفيق خلصت الموضوع؟
كوثر لسه شوية..

توفيق ليه كده؟ لازم ضيعت أجازة العيد فى الجرى والنط..
كوثر أبدا.. انا سافرت طنطا..

توفيق اشمعنى طنطا..
كوثر بابا هناك..

توفيق كده؟ وانت قاعدة فى مصر لوحدهك؟
كوثر تقريبا..

ينهض ويقترب منها

توفيق

يعنى ايه تقريبا؟

معايها اثنين صحابي.. لكن كان كل واحدة عايشة
لوحدها..

كوثر

توفيق

لازم ما فيش حاجة مشتركة بينكم..

كوثر

ما فيش غير حاجة واحدة بس

توفيق

ايه هي؟

كوثر

الشقة..

توفيق يضحك

يتوقف عن الضحك فجأة.. ينظر إلى كوثر في جراءة

توفيق

حانتملى ايه الليلة؟

كوثر

ما فيش.. حاكتب شوية..

توفيق

ايه رأيك نخرج نتمشى سويا؟

كوثر تنتظر اليه في دهشة..

تفكر لحظة..

توفيق

متريده ليه؟

كوثر

لا أبدا..

توفيق

افوت عليكى آخذك الساعة كام؟

توفيق

تسعة كويس؟

كوثر

كويس..

توفيق

اكتبي عنوان الشقة..

يناولها قطعة ورق صغيرة

كوثر تكتب العنوان.. توفيق ينظر اليها ويتأملها..

توفيق

حاكون على الباب تسعة بالضبط

يبتسم لها في رقة.. كوثر تبتسم.. وتخرج..

توفيق يتأملها وهي تسير إلى الباب في اهتمام..

كوثر تدخل إلى حجرة مكتبها.. تقف بجوار المكتب لحظة

تفكر..

يدخل يحيى بدر..

يحيى

اهلا كوثر.. ازيك..

كوثر

الله يسلمك..

كوثر ترد وهي تفكر..

يحيى ينظر اليها متأملا.. يقترب من مكتبها.. ينظر في

الورق الذى على مكتبها لحظة ثم يضحك في سخرية

يحيى

حرية؟ حرية ايه؟ فيه حاجة اسمها حرية..

كوثر

طبعا فيه

يحيى

لأ ما فيش

كوثر

ليه؟

كوثر تنتبه وتركز تفكيرها في كلام يحيى

يحيى

هى دى عاوزه سؤال.. نبتدى من الأول للآخر.. هل
عندنا حرية فى اننا نتولد؟ ابدأ بنتولد غصب عننا. هل
عندنا حرية فى اننا نموت؟ ابدأ بنموت غصب عننا..
بنعيش غصب عننا ومش بنختار حاجة ابدأ.. كل
حاجة مفروضة علينا.. اهلينا مفروضين علينا.. بيئتنا
مفروضة علينا.. شكلنا مفروض علينا.. بقه لو كان
عندى حرية كان شكلى طلع ملخبط بالشكل ده..

كوثر تضحك.. ويحيى يضحك

شقة نبيلة وزكريا بعد أن تزوجا.. حجرة النوم.. نبيلة
ترتدى قميص نوم حشمة جدا له اكام طويلة.. تقف امام
زكريا فى خجل.. زكريا جالس على طرف السرير..

نبيلة العشا جاهز يا ...

زكريا يا ايه؟

نبيلة يا دكتور..

زكريا والله عال! فيه واحدة تنادى جوزها وتقول له يا دكتور؟

نبيلة أصل..

تسكت لحظة.. زكريا ينظر اليها

تسكت وتطرق

زكريا اصل ايه؟ لسه مكسوفة تقوليلي يا زكريا؟

نبيلة لا ابدأ.. بس مش واخده عليك..

زكريا مش واخده على؟ ده انا جوزك وانت مراتي؟

نبيلة ايوه.. لكن..

زكريا لكن ايه؟

نبيلة ولا حاجة..

نبيلة تسير خارجة من الحجرة وهى تفكر فى شروء..

حجرة مكتب على صالح مدير الشركة يدخن فى قلق..
يفتح درج مكتبه ويخرج علبة صغيرة انيقة.. يدق جرس
إلى جواره.. تدخل فتحية..

على صالح تعالى يا فتحية..

فتحية تقترب منه.. على صالح ينهض ويقتررب منها..

على صالح كل سنة وانت طيبة يا فتحية..

فتحية تنتظر اليه فى دهشة

على صالح مش عرفة بقولك كل سنة وانت طيبة ليه؟
فتحية لا يا على بك..

على صالح النهارده ايه؟

فتحية النهاردة الخميس..

على صالح لا.. قصدى النهاردة كام فى شهر مارس..

على صالح يضحك

فتحية النهاردة 12 مارس..

على صالح مين اتولد فى 12 مارس..

فتحية ايو! انا..

فتحية تتذكر فجأة

على صالح حد ينسى عيد ميلاده يا فتحية؟

فتحية عمرى ما افكرت الا وانا باكتب اوراق التعيين.. لكن

حضرتك عرفته ازاي؟

على صالح من الدوسيه بتاعك..

على صالح من هنا ورايح انا اللي حافرك كل سنة بعيد ميلادك

يقدم لها العلبة الصغيرة

يا فتحية..

فتحية تاخذ العلبة وتنتظر اليها فى دهشة.. وتنتظر إلى
على صالح فى دهشة

فتحية لكن.. لكن..

على صالح افتحها.. شوفى فيها ايه..

تفتح العلبة.. يظهر داخلها بروش غالى.. فتحية تنتظر
اليه فى فرح شديد وذهول..

فتحية ده.. ده غالى قوى يا على بك..

على صالح يضع يده على كتفها فى حنان

على صالح ما فيش حاجة غالية عليك يا فتحية.. ما تعرفيش

انت غالية عندى اد ايه؟

يقبل يدها.. فتحية تظهر فى عينيها الدموع والدهشة
والفرح..

جانب من حديقة فى كازينو .. توفيق زكى يجلس إلى
مائدة صغيرة .. كوثر تجلس أمامه ..
على المائدة بعض اطباق واكواب .. توفيق وكوثر يتناولان
العشاء فى هدوء ..

توفيق تعرفى يا كوثر انا حاسس انى اعرفك من سنين
طويلة ..

توفيق كوثر تنظر اليه وتبتسم ..
انا عرفت ستات كثير .. لكن ما فيش واحدة قدرت
تخلينى احس بيها زى ما انا حاسس بيكى دلوقت ..

توفيق كوثر تستمع فى صمت ..
انت فيكى حاجة غريبة يا كوثر .. حاجة تخلى الواحد
يفكر فيكى ويحب يشوفك دايم ..

توفيق توفيق ينظر اليها وهى صامته ..
مش بتتكلمى ليه يا كوثر؟

كوثر لانى باسمع ..

توفيق لا .. انا عاوزك تتكلمى .. عاوز اسمعك ..

كوثر مش عارفة يا توفيق ..

توفيق مش عارفة ايه؟

كوثر مش عارفاك ..

توفيق يضحك ..

توفيق يعنى ايه مش عارفانى؟

كوثر قصدى انى ما قعدتش معاك وكلمتك غير مدة قصيرة
قوى ..

توفيق ساعات الواحد يقعد مع واحد عشر سنين ولا
يعرفوش .. وساعات يقعد معاه عشر دقائق ويعرفه ..

الزمن مش مهم .. انا من اول دقيقة شفتك حسيت انى
اعرفك .. كوثر ..

كوثر نعم ..

توفيق اول مرة تخرجى مع حد؟

كوثر لا .. لى زمايل وصحاب بنخرج سوا ..

توفيق انا ما اقصدش الزمايل والصحاب .. اقصد .. فيه حد
فى حياتك؟

كوثر لأ ..

توفيق ما كانش فيه حد؟

كوثر وانا صغيرة .. وانا عندى اربعتاشر سنة كنت باحب
ابن خالى .. وكان كل ما بييجى يزورنا افرح وقلبي

يدق .. ولما سمعت انه اتجوز قعدت اعيط ثلاث ايام
ورا بعض من غير اكل .. وبعدين الايام فاتت ..

والسنين.. وشوقته هو ومراته وولاده وقعدت ابص له
واستغرب ازاي الراجل ده خلانى فى يوم من الايام
اعيط ثلاث ايام ورا بعض..

توفيق شوقتي فيه ايه ما عجبكيش؟؟
كوثر مش عارفة.. لقيته راجل عادى..
توفيق وكنت بتشوفيه ايه الاول؟
كوثر إله!

توفيق يضحك.. كوثر تشاركه الضحك.. يتوقفان عن
الضحك.. توفيق ينظر إلى كوثر فى غرام..
كلوز اب على يده وهى تحاول ان تمسك يد كوثر..
كوثر تبعد يدها عن يده..

توفيق ليه مش عاوزة تدينى ايدك يا كوثر؟
كوثر مش عارفة..

بيدو على وجه توفيق الالم..

توفيق انت مش بتحبينى يا كوثر
كوثر لا ابدأ يا توفيق انا حاسة ان فيه حاجة مش فاهماها..
توفيق ايه هي؟
كوثر حاجة جوه عنيك مش مخليانى اصدق كلامك..
توفيق ازاي يا كوثر؟

كوثر صامته..

توفيق مش بنتقى فى؟
كوثر مش عارفة..
توفيق كوثر.. انا با حبك..

يمسك يدها.. تحاول ان تشد يدها منه.. لكنه يمسك بها
فى قوة.. وينظر فى عينيها..

توفيق قولى انك بتحبينى..

كوثر تبسّم فى عينيها..
يقبل يدها فى حب..

نبيلة جالسة فى صالة شقتها واضعة يدها على خدها
تتظر عودة زوجها الدكتور زكريا من العيادة.. تغمض
عينها وتفتحها لتقاوم النوم.. يفتح الباب ويدخل زوجها
يحمل حقيبتها الصغيرة.. نبيلة تنهض فى تناقل..

زكريا
حضرى لى العشا يا نبيلة عبال ما اغير هدومى..
كانت العيادة فوق بعضها الليلة..

يسير ويدخل حجرة النوم..

نبيلة تضع بعض الاطباق على المائدة..

يخرج زكريا بملابس النوم ويجلس ليأكل..

نبيلة تجلس امامه.. زكريا يأكل بسرعة يتكلم وهو يأكل..

زكريا
حضرى لى الحمام يا نبيلة عبال ما أكل.. رجلي
بينفحوا على من كتر الوقفة فى العيادة..

نبيلة تنهض وتدخل إلى حجرة النوم.. زكريا يواصل الأكل
بسرعة ولهوجة..

ينادى على نبيلة..

تظهر نبيلة

زكريا
نبيلة

زكريا
هاتى لى ميه

تحضر له كوب ماء وتضعه امامه على المائدة.. تتظر
اليه وهو يأكل فى استياء..

يفتح الباب الخارجى وتدخل فتحية تحمل حقيبة يدها الصغيرة.. تقفز فى فرح وسعادة تدخل إلى حجرتها ثم تخرج بدون الحقيبة وفى يدها علبة صغيرة بها هدية نفيسة.. تجلس على الكنبة تتأمل الهدية فى سعادة جرس التليفون يدق.. فتحية لا تقوم لترد.. تنادى على الدادة..

فتحية دادة.. تعالى شوفى مين..

فتحية اسمعى اذا كان مصطفى شكرى قولى انى مش هنا..
الدادة حاضر..

الدادة الو.. مين حضرتك؟ لا والنبي.. الست فتحية لسه ما جتتش.. حاضر.. مع السلامة..

تجرى إلى الدادة وتقول لها محذرة

الدادة ترد على التليفون

كلوز اب على وجه مصطفى شكرى يعبر عن الحزن وفى يده السماعة..

الدادة تضع السماعة.. تنتظر إلى فتحية فى دهشة..

الدادة انتم زعلتم والا ايه؟

فتحية ابدا يا دادة..

تسير الدادة لتدخل المطبخ..

فتحية دادة.. تعالى شوفى..

الدادة اشوف ايه؟

فتحية شوف ايه ده؟

الدادة تقترب من فتحية..

الدادة صلاة النبي احسن.. ده بيبروق زى ما يكون الماز..

فتحية ما هو الماز.. الماز حقيقى..

الدادة تنتظر فى العلبة

الدادة والنبي؟!

فتحية تعرفى تمنه كام؟

الدادة كام؟

فتحية عشرة آلاف جنييه..

يظهر على وجه الدادة الدهشة..

الدادة يا خبر! ولقيتيه فى ده يا ست فتحية؟

فتحية لقيته؟! ده الشبكة بتاعتى..

فتحية تضحك..

الدادة الشبكة؟! الف نهار ابيض.. مبروك يا ست فتحية!

الدادة تضع اصبعها فى فمها وتطلق زغرودة طويلة..

توفيق زكى يضحك فى سرور .. ويقهقه ..
يظهر انه جالس على كنبه كبيره فى صالة شفته .. وكوثر
تجلس إلى جواره ..

توفيق تفكرى يا كوثر راجل فى سنى وعازب ما يكونش له
 شقة لوحده؟!
 طبعا لازم ..
توفيق انا كمان احب اقعد لوحدى كثير .. اقرأ .. اكتب ..
 افكر .. ما فكرش .. المهم احس انى لوحدى وانى
 حر ..

كوثر شارده تفكر . توفيق يقترب منها

توفيق سرحت فى ايه يا كوثر؟
كوثر فى كلمة حر ..
توفيق مالها؟
كوثر تفكر الانسان لما بيحب بيحس انه حر؟
توفيق طبعا ..
كوثر ابدأ ..
توفيق ازاي؟
كوثر الحب له قيود غريبه يا توفيق ..
توفيق ليه؟ انت حاسه باى قيود ..
كوثر طبعا ..
توفيق مثلا؟
كوثر انا النهارده مثلا كنت عاوزه اكتب .. وقعدت على
 المكتب ومسكت القلم وبعدين انت كلمتى فى
 التليفون وقولتلى عاوز اشوفك ..
توفيق وانت .. مش كنت عاوزه تشوفينى
كوثر ايوه .. لكن كنت عاوزه اخلص الكتابة الاول ..
توفيق وليه ما كتبتيش؟
كوثر ما قدرتش .. ما كانش عندى حرية اختيار لأنى
 حسيت انى عاوزه اشوفك رغم إرادتى ..

توفيق يضحك فى مرح ..
يتوقف عن الضحك .. ينظر إلى كوثر فى حب ويقترب
منها اكثر
يمسك يدها فى حنان ..
يحاول تقبيلها .. كوثر تبعد عنه

توفيق انت حلوة قوى يا كوثر ..

توفيق
ليه بتبعدى عنى يا كوثر؟ انت مش عارفة انى
باحبك؟
ايوه..
كوثر
توفيق
ليه بتبعدى بقه يا كوثر؟
ابدا.. لكن..
كوثر
توفيق
لكن ايه؟

كوثر صامتة تفكر..

توفيق
انا كنت فاكر انك متحررة.. لكن يظهر انك لسه
عندك العقد اياها

توفيق يبتعد عنها قليلا..

بيدو عليه الغضب قليلا..

كوثر
توفيق
عقد البنت الشرقية.. كل حاجة عندها عيب وحرام..
وبعدين تقولوا ما عندناش حرية.. انتم اللي مش
عاوزين تبقوا احرار.. انت دلوقت بنت مثقفة متحررة
ويتحبنى.. مافيش حاجة تمنعك من انك تمارسى
شعورك غير العقد اللي جواكى..
كوثر..

توفيق
يضحك قليلا.. ينظر إلى كوثر ثم يقترب منها مرة
اخرى..

كوثر
توفيق
نعم يا توفيق..
انت بتحبينى والا لا؟
كوثر
توفيق
ايوه باحك يا توفيق.. انت عارف..
طيب ليه يا حبيبتى بتبعدى عنى؟

يقترب منها اكثر..

كوثر تبتعد عنه مرة اخرى فى حرج..

كوثر
توفيق
اصلى بفكر.
بتفكرى فى ايه؟

بيدو على توفيق الغضب قليلا..

كوثر مطرقة صامتة..

توفيق
انا عارف بتفكرى فى ايه.. بتفكرى فى انى مش
ممكن اقرب منك الا بتصريح من المأذون.. مش
كده؟

بيدو على توفيق الغضب..

كوثر
توفيق
لا ابدأ.. ما فكرتش فى كده يا توفيق..

توفيق يعود إلى الحنان والرفقة.. ويقترب منها

توفيق
تفكرى يا كوثر ناس زينا فاهمين ومتحررين ويحبوا
بعض يفضلوا بعيد عن بعض لغاية ما راجل غريب
يكتب لهم تصريح على ورقة؟!
كوثر..

يمسك يدها فى رقة وحب

كوثر
توفيق
انت بتشكى فى؟!
ابدا يا توفيق..

توفيق
كوثر
توفيق
كوثر
توفيق
امال ايه؟ قولى انك بتحيينى
انا باحبك..
قولى كمان..
حبك يا توفيق..
كمان..

توفيق يقبل يدها فى حب ووله

يعانقها فى حب شديد.

الصالة فى شقة نبيلة وزوجها.. نبيلة جالسة فى الصالة
على الكنبه تنظر فى كتاب.. تضع الكتاب جانبا.. يبدو
عليها الملل.. تسير فى الصالة لا تعرف ما تفعل..
تجلس على الكنبه مرة اخرى.. تنظر إلى الساعة.. ثم
تنظر إلى التلفون.. تهض وترفع السماعة وتطلب رقما

الو.. نبيلة

يظهر زكريا فى حجرة الكشف بعيادته.. يجلس إلى جوار
امرأة حسناء يغازلها ويحاول تقبيلها.. يمسك بالسماعة
التي إلى جواره على المكتب..

الو.. اهلا نبيلة.. ايه؟ فيه حاجة؟ خضتيني يا
شيخة! لا لسه بدرى العيادة على بعضها..
ارجوك يا زكريا ما تتأخرش.. انا زهقانه.. كل ليلة
باقعد لوحدى لنص الليل.. انا مش بشوفك غير
عشر دقائق وقت الغدا.. نعم؟ ايوه.. عاملاك حمام
مشوى.. طيب.. انا مستتيك.. مع السلامة..

زكريا

نبيلة

تظهر نبيلة وهى تمسك بالسماعة

نبيلة تضع السماعة.. تفكر فى شرود والم..

تسير فى الصالة فى ملل.. تنظر إلى التلفون.. تطلب
رقما

الو.. نبيلة

دولت

تظهر دولت فى صالة بيتها وهى تمسك سماعة التلفون..
تظهر نبيلة مرة اخرى..

اهلا نبيلة.. اهلا.. ازيك؟
حاطق! عايشة بين اربع حيطان زى المساجين..
زكريا بالنهار فى المستشفى وبالليل فى العيادة..
اعمل ايه؟

نبيلة

هو انا استقلت بكيفى يا دولت ما هو اللى غصب
على..

دولت

تظهر دولت تتحدث فى التلفون

الشغل كان حيسليكى.. كنت حتخرجى كل يوم
وتشوفى الناس..

نبيلة

تظهر نبيلة.. كلوز اب على وجهها يدل على
الاضطراب..

الناس؟!

دولت

دولت تضحك ضحكة طويلة لها معنى

ايوه الناس.. اللى دايم يسألوا عليكى..
وازيهم؟

نبيلة

يظهر وجه نبيلة يبدو عليه الاهتمام والسرور مع القلق..

طيب يا دولت.. انا حاكمك تانى.. مع السلامة..

نبيلة

تظهر الدموع فى عينيها..

نبيلة تضع السماعة.. تنظر إلى الأمام فى تفكير وشرود.

يفتح الباب الخارجى ويدخل زكريا ومعه حقيبة العيادة الصغيرة..

زكريا خالص.. حاموت من الجوع.. يعنى منشش شامم
ريحة حمام مشوى..
نبيلة اصلى عملته من بدرى..
زكريا طيب ياللا حضرى العشا عبال ماغير هدموى..

يدخل إلى حجرة النوم..

نبيلة تضع اطباق الحمام على المائدة.. يخرج زكريا بملابس النوم.. يجلس إلى المائدة.. نبيلة تجلس امامه.. يأكل بسرعة ونهم..

نبيلة زكريا..

يأكل ولا يرد..

نبيلة زكريا..

يرد وهو يأكل

زكريا نعم..

نبيلة بقى لنا سنة متجوزين يا زكريا وعمرنا ما قعدنا مع بعض واتكلمنا..

زكريا فين الملاحه يا نبيلة؟ انت دايمما تنسى الملاحه..

نبيلة تنهض وتأتى بالملاحه زكريا يواصل الاكل.. نبيلة تجلس مرة أخرى

نبيلة انا عاوزه ارجع الشغل يا زكريا..

زكريا شغل ايه؟

نبيلة شغلى..

زكريا ما انت بتشتغلى..

نبيلة باتشتغلى..

زكريا هو الجواز مش شغل!؟

نبيلة لا يا زكريا.. انت طول انهار والليل برة.. وانا عايشة فى فراغ..

زكريا فراغ! ليه؟ وشغل البيت؟ والطبيخ!؟

نبيلة ده ما اسموش شغل بالنسبة لواحدة زى اتعلمت تعليم على..

زكريا امال اسمه ايه؟

نبيلة ولا حاجة.. شغل البيت والطبيخ مش بياخد منى غير ساعة واحدة وباقد طول النهار فاضية..

زكريا فاضية!؟ يا بختك! احمدى ربنا انك قاعده مستريحه وواحد عمال يجرى ويشقى عشانك!

نبيلة انا مش عاوزه استريح.. ده موت مش راحة! الشغل

بيخيليني احس انى عايشة..

زكريا حضرى الحمام يا نبيلة عبال ما اخلص أكل..

نبيلة انت ما ردتش على كلامى..

زكريا اسمعى يا نبيلة انا طول النهار شقيان وعاوز ارجع

البيت استريح.. فاهمانى!

فى شدة

نبيلة تنهض لتحضر له الحمام

شقة فتحية وعلى صالح بعد ان تزوجا.. شقة فاخرة جدا
تدل على الثراء..
تظهر حجرة نوم انيقة جدا.. على صالح يرتدى بيجاما
حريرية تكشف عن جسمه السمين المترهل وكرشه
الكبير.. فتحية ترتدى قميص نوم حريري فاخر.. مستلقية
على السرير فى استرخاء..
على صالح يجلس إلى جوارها وينظر إليها فى حب
ووله..

على صالح تفكرى يا فتحية الحياة تستاهل ان الواحد يعيشها
ليه؟
فتحية ليه؟
على صالح عشان اللحظات دى.. اللحظات اللى بيفرح فيها
القلب.
فتحية والعقل؟
على صالح عقل ايه يا فتحية.. العقل ماوراهوش غير الحساب
والشقا.. عمل لى ايه العقل؟ ضيع لى شبابى
وعمرى..
فتحية لسه فاضل فى عمرك كثير..
على صالح صحيح يا فتحية؟ لسه فاضل كثير؟
فتحية قوى!
على صالح سعادتى متوقفة عليكى يا فتحية.. انت كل حاجة لى
دلوقت..

على صالح بيتسم فى سعادة ساذجة

على صالح يقبلها..

يعانقها.. كلوزاب على وجه فتحية يعبر عن الامتعاض
والاستياء..

الصالة فى شقة مطلقه على صالح.. مطلقه على صالح
تجلس حزينه مهمومه.. من حولها ثلاثة بنات اكبرهن نهاد
فى السابعة عشر.. الصغرى لا تزال فى العاشرة تقريبا..
الأم تمسح دموعها فى صمت وتنتظر إلى بناتها..

ياللا يا هدى انت ونادية ادخلوا اودتكم عشان تتاموا..
الساعة بقت عشرة وزيادة ولازم تصحوا بدرى عشان
المدرسة..

هدى ونادية تقومان فى تردد ووجوم ويدخلان إلى
حجرتها ..

تبقى نهاد مع الأم

والأم
وانت يا نهاد قومى نامى عشان تصحى لكليتك
بدرى..

نهاد
لا يا ماما.. انا مش حنام الا لما تتامى..

الأم
انا مش جايلى نوم يا بنتى..

الأم تبكى فى الم..

نهاد تواسيها فى حنان

نهاد
ارجوكى يا ماما بلاش تعيطى.. انت مش عاوزة حاجة
من بابا..

الأم
ايو يا بنتى مش عاوزة حاجة.. لكن انتم.. ده ابوكم يا
نهاد..

نهاد
واحنا مش عاوزين حاجة منه يا ماما مدام انت معانا

الأم
بعد عشرة عشرين سنة تعمل كده يا على! بعد ما

كونتك بفلوسى وخليتك بنى آدم تسيبنى وتروح نتجوز
واحدة من ولادك؟! اخص عليك!... .. اهن عليك..

ويهونوا عليك بناتك الصغارين!؟

الأم تفكر لحظة فى شرود وتكلم نفسها

تبكى فى الم

نهاد
احنا مش صغارين يا ماما.. انا سننى سبعناشر سنة

وبكره اتخرج من الجامعة واشتغل.. ارجوكى يا ماما..

ما تزعليش نفسك.. عشان خاطرى

الأم
حاضر يا بنتى..

نهاد
ايوه كده..

الأم
رينا يخليكى يا نهاد

نهاد
يا حبيبتى يا ماما..

الأم تمسح دموعها

نهاد تمسح دموع امها

نهاد تبتمس.. الأم تحاول الابتسام

الام! تعانق ابنتها فى حب وحنان

كوثر تجلس إلى المائدة تأكل وحدها الدادة تقف بجوارها
تتحدث معها

والنبي انا حاملة همك يا ست كوثر ..
الدادة
كوثر
ليه؟
المصاريف كتريت عليكى لوحدك بعد الست فتحية
الدادة
والست نبيلة ما اتجوزوا.
كوثر
ما دام الفلوس مكفية خلاص..
الدادة
ايوه.. لكن مش الاحسن لما زميلة والا اثنين يشيلوا
عنك شوية..
كوثر
كل زمايلى الستات اتجوزوا.. والباقي رجالة..
الدادة
عقبالك يارب لما تتجوزى زيهم يا ست كوثر..
كوثر
لا يا دادة.. انا مش حتجوز..
الدادة
ليه؟ كفى الله الشر!
كوثر
يعنى ايه راجل يمضى على ورقة بانه يدفع كذا عشان
حيتجوزنى ويدفع كذا لما يعوز يسيبنى.. هو انا ايه؟
بقرة بيشتريها؟ والا شقة بيأجرها؟!
الدادة
لا يا ست كوثر اسم الله عليكى ده انت ست الكل..
لكن الست حتتجوز الراجل ازاي؟ مش لازم تمسك
عليه ورقة؟
كوثر
وكلمة الشرف مش اهم من الورقة؟
الدادة
هو فيه راجل عنده كلمة دلوقت يا ست كوثر؟ دول
كلهم غدارين؟
كوثر
طيب ازاي اتجوز راجل بافترض فيه بانه غدار؟!
الدادة
وماله؟ ما دام معاكى الورقة حقوقك كلها يدفعها على
داير مليم!
الدادة
بتضحكى على كلامى يا ستكوثر؟
كوثر
الو.. اهلا توفيق.. ازيك؟ الحمد لله.. طيب.. والا
اقولك ماتيجى انت.. لا مفيش حد.. طيب يا توفيق..
مستنياك.. مع السلامة..

تنهض من المائدة وقد انتهت من الطعام تسير إلى باب
حجرتها وتقف عند الباب

كوثر تضحك بشدة

جرس التليفون يذق كوثر ترفع السماعه
الدادة ترفع الاكل

تضع السماعه.. تبتسم فى سعادة

الصالة فى شقة نبيلة.. نبيلة جالسة تفكر.. تنتظر إلى الساعة.. تنتظر إلى التليفون.. تقترب من التليفون.. كلوزاب على اصابعها تدبر رقما فى تردد لا تكمل الرقم وتقفل السكة فى خوف.. تعود مرة ثانية اصابعها وتطلب الرقم كاملا..

يظهر تليفون فى حجرة نوم صغيرة فى شقة متوسطة.. جرس التليفون يدق.. ترتفع يد وتمسك بالسماعة.. تصعد الكاميرا إلى وجه ممدوح طلبه وهو يرد على التليفون..

ممدوح الو..
نبيلة ممدوح..
ممدوح ابوه.. مين؟
نبيلة انا.. نبيلة..
ممدوح نبيلة؟! مش معقول! انت فين؟ بتتكلمى منين؟
نبيلة من البيت..
ممدوح بيت مين؟
نبيلة ..
ممدوح بيت جوزك؟
نبيلة ممدوح انا عاوزه اشوفك.. عاوزه اكلمك.. ضرورى..
ممدوح انا تحت امرك يا نبيلة.. انت عارفة شعورى لك زى ما هو.. بس اشوفك ازاي؟ وفين..؟ عندك؟ وجوزك؟ مسافر؟!.. كده؟ طيب يا نبيلة.. انا جاي.. مسافة السكة.. بس قوليلى.. العنوان ايه؟.. طيب حالا حاكون عندك يا حبيبتى..

يظهر وجه نبيلة وهى مضطربة جدا تكلم ممدوح

كلوزاب على وجه ممدوح يعبر عن الدهشة والفرح

يمسك ورقة وقلم ويكتب العنوان يضع السماعة فى حماس وفرح.. نبيلة تضع السماعة فى حماس وفرح..

حجرة النوم الفاخرة فى شقة فتحية وعلى صالح..
فتحية ترتدى فستانا انيقا وضعت فى صدره بروش من
الماس يبرق.. تقف امام المرأة تنظر إلى نفسها.. على
صالح يرتدى البيجاما الحريرية جالس على طرف السرير

فتحية
على
وبعدين يا على معاك؟ انت مش حتقوم تلبس..؟
ما بلاش سينما الليلة يا فتحية.. هو كل ليلة خروج؟
ما فيش ليلة نقعد كده فى البيت وندردش سوا زى
العرسان..

العرسان اللي بيحبوا بعض..
اوف! وبعدين! حتخسر لى تسريحة شعري!
انت مش حتلبس؟ والله اذا ما لبستش فى خمس
دقائق لاروح السينما لوحدى.. انت عارف مش
باحب ادخل بعد ما الفيلم بيتدى!
على
طيب يا حبيبتي.. ما تزعليش.. انا فى خمس دقائق
حاكون لابس..

ينهض ويقترب منها محاولا ان يقبلها
فتحية تبعده عنها فى ضيق
تنظر اليه فى غضب

على يلاطفها فى ود وحنان

يخلع جاكته البيجاما بسرعة.. فتحية تنظر اليه فى
استياء..

نبيلة تجلس مع ممدوح على الكنبة فى الصالة فى شقتها..
ممدوح مطرق إلى الارض فى صمت.. ينظر إلى نبيلة

ممدوح انت اللي عملت كل ده يا نبيلة

نبيلة مش انا يا ممدوح

ممدوح لا انت.. كان ممكن تقولى لابوكى لا..

نبيلة ماقدرتش يا ممدوح.. طول عمرى كنت باخاف منه

نبيلة تبكى فى الم..

ممدوح ينظر إليها فى حب وحنان

ممدوح نبيلة.. ارجوكى.. دموعك دى غالية على.. انت

عارفة اد ايه هى غالية..

نبيلة سامحنى يا ممدوح.. سامحنى؟

نبيلة تنفجر فى البكاء..

ممدوح نبيلة

ممدوح يربت عليها فى حنان

ممدوح نبيلة

يقترب منها ويواسيها فى رقة

ممدوح نبيلة.. انا باحبك..

يرفع وجهها بيده وينظر فى عينيها

نبيلة تضع رأسها على صدره وتبكي يضمها اليه فى حنان

وحب..

حجرة مكتب فتحية فى الشركة..

مكتب فتحية كما هو.. ولكن كرسيها خال..

مصطفى شكرى يجلس إلى مكتبه يكتب على الآلة الكاتبة
يتوقف عن الكتابة لحظة وينظر إلى مكتب فتحية
وكريسيها الخالى..

يبدو عليه الحزن الشديد..

يوصل الكتابة مرة اخرى.. ثم يتوقف.. يتأمل الكرسي
الخالى ويتصور فتحية جالسة عليه..
تظهر فتحية جالسة على الكرسي تكتب وتتظر اليه
وتبتسم..

مصطفى يبتسم لها فى سعادة..

تختفى فتحية ويصبح الكرسي خاليا..

يبدو على مصطفى الالم والحزن..

يوصل الكتابة فى صمت والم..

زكريا يجلس إلى جوار امرأة حسناء فى حجرة صغيرة فى فندق..

زكريا بملابس النوم.. والمرأة ترتدى قميص نوم انيق..
المرأة تضحك وتقول

يا خير؟ بقه انت قلت لمراتك انك مسافر؟

زكريا
المرأة
زكريا
المرأة
زكريا
المرأة
زكريا
المرأة
زكريا
المرأة
زكريا
المرأة
الست اللى على نياتها هى اللى تقعد وتستنى..
والست اللى مش على نياتها؟
ما تستناش.. تفرفش نفسها..
وانت على نياتك؟
لا بعد الشر.. انا مش على نياتى..

ومراتك على نياتها؟

زكريا
المرأة
قوى.. على نياتها قوى!
قصدك غيبة قوى!..

تضحك فى ميوعة

يضحكان ويتعانقان

الصالة الفاخرة فى شقة فتحية وعلى صالح..

فتحية تجلس وحدها فى الصالة ..ترتدى قميص نوم
حريرى فاخر ..تسير فى تعاسة وملل.. فى الصالة..

تذهب إلى البيانو وتجلس إليه وتعزف عليه بأصابعها..

كلوز أب على أصابعها وهى تعزف البيانو.

يختفى البيانو ويظهر مكانه الآلة الكاتبة ..وأصابع
فتحية تعزف على الآلة الكاتبة وتكتب. تظهر فتحية
جالسة فى مكتبها القديم تكتب على الآلة الكاتبة ..
أمامها يجلس مصطفى شكرى إلى مكتبه ..فتحية تنظر
إليه وتبتسم..

مصطفى ينظر إليها وبتبسم ..مصطفى يضحك و
فتحية تشاركه الضحك

يعود البيانو ..وتعود أصابع فتحية تعزف عليه ولكن لا
يزال صدى ضحكة فتحية يرن فى أذنيها.

فتحية تتوقف عن العزف.. تضع رأسها على مفاتيح
البيانو وتبكي فى ألم وحزن..

جرس الباب يدق .. تنهض فتحية بعد أن مسحت
دموعها وتفتح الباب

يدخل على صالح..

على صالح غمضى عنيكى..

فتحية ليه؟

على صالح بس غمضى

فتحية تغمض عينيها..على صالح يخرج من جيبيه
أسورة ثمينة يلبسها لها فى معصمها.

على صالح فتحي يا روحى

على صالح عجبك؟

فتحية مرسى قوى يا على ..

على صالح إيه مالك يا فتحية؟ إنت تعبانة؟

فتحية أبدا يا على ..بس أنا بقيت أزهد من قعدة البيت..

على صالح تزهدى ازاي يا حبيبتى؟

فتحية أصلى أنا مش واخدة على الحياة الساكنة دى..أنا واخدة

فتحية يبدو عليها الفتور

يشعل سيجارة..

على الشغل والدوشة..

تعرف يا على أن صوت ماكينة الكتابة وحشنى قوى..
على صالح أجيب لك آلة كاتبة هنا يا حبيبتى تتسلى عليها..أجيب
لك كل حاجة إنت عاوزاها ..أجيب النجوم الى فى
السما..

يقترب منها..يحاول تقبيلها وعناقها..تتخلص منه فى
ضيق..

فتحية ريحة الدخان بتخنقنى..
على صالح يطفىء السيجارة فى انكسار وضعف..
بلاش الدخان يا حبيبتى..بلاش الدخان..

الصالة فى منزل نبيلة..

نبيلة جالسة تتكلم فى التليفون مع ممدوح

نبيلة ليه بس كده يا حبيبي؟ لا لا.. أخص عليك..

يفتح الباب ويدخل زوجها زكريا..نبيلة تستمر فى الحديث كأنها تكلم دولت صديقتها..

نبيلة إخص عليكى يا دولت..أيه أشوفك الساعة ستة عند الخياطة؟ مش عارفة حاكون فاضية والا لأ..طيب حاول.. أورووار يا حبيبتى..

تضع السماعة وتذهب إلى زكريا ترحب به فى اهتمام مصطنع..

نبيلة أهلا زيكه..

زكريا كنت بتكلمى مين؟

نبيلة دى دولت..جعان؟ أحضر لك العشا؟ أما أنا عاملاك شوية بوفتيك يستاهلوا بقك..

زكريا طيب باللا حضرى على ما أغير هدومى..

يدخل إلى حجرته

نبيلة حاضر يا حبيبي..

نبيلة تجرى لتحضر المائدة..تضع الاطباق على المائدة.. زكريا يخرج بملابس النوم..يجلس إلى المائدة ليأكل.. نبيلة تجلس إلى جواره

نبيلة إنت جاي من العيادة يا زيكه.

زكريا أيوه..كانت على بعضها..ماخلصتش الزباين غير دلوقت..

نبيلة رينا يكون فى عونك يا حبيبي..

لكن أنا طلبتك من شوية فى العيادة ماقتكش..

زكريا يبدو عليه الارتباك قليلا..ويتلثم..

زكريا إزاي ده؟ أنا كنت فى العيادة.. آه..لا أفكرت..أصلى نزلت أشوف حالة فى البيت..مسكين راجل عنده ذبحة صدرية وجلطة.. وحلته خطرة..يمكن يموت الصبح..

نبيلة يا عينى..مسكين..ده أنت بتتعب قوى يا زكريا..

زكريا حاعمل ايه يا نبيلة..الدكتور لازم يوهب نفسه للعيانيين..

نبيلة طبعا طبعا..كله بثوابه..

زكريا
نبيلة
زكريا
نبيلة
زكريا
زكريا
نبيلة
زكريا
نبيلة
زكريا

بس أنا بسبيك لوحذك كثير يا نبيلة..وده بيضايقك..
أبدا أبدا..أنا خلاص اخدت على كده..
ومش عاوزة ترجعى الشغل؟
الشغل؟ آه..هوده معقول يا زيكه..الشغل للرجال بس..
وحدة وحدة.. إنت غيرت رأيك وإلا إيه؟ مش كنت
عاوزه ترجعى الشغل؟
مين؟ أنا؟ ده كان زمان أيام ما كنت لسه صغيرة
وعبيطة..فيه أحلى من أن الست تقعد فى البيت
وتتست وجوزها يشتغل عشانها..
أيوه كده..تفكيرك اتعدل..وبقيتى زوجة بصحيح..

نبيلة تضحك فى مرح وسخرية..
زكريا يداعبها فى سرور
نبيلة تبتسم فى مكر..

مكتب على صالح فى الشركة..
منكب على أوراقه..يدخل الساعى

الساعى الست الهانم يا سعادة البيه..
على صالح مين؟
فتحية؟ أهلا..أفضلى..أيه؟ فيه حاجة؟
أبدا ولا حاجة..أنا كنت فى البلد باشتري شوية
حاجات قلت أمر عليك..وأبص على مكتبى القديم..

الساعى
على صالح
فى دهشة
فتحية

تدخل فتحية من الباب ..

فتحية تتطلع حولها وتتنظر إلى باب حجرتها فى فضول
شديد..

على صالح بس كده؟ تعالى يا ستى بصى على مكتبك القديم..
دايما الانسان ما ينساش أبدا المكان اللى شاف فيه
ايام حلوة..مش كده يا فتحية؟
أيوه..صحيح..مش ممكن ينسى..

على صالح
فتحية

يسير معها إلى باب حجرة مكتبها..
فتحية شاردة تفكر ..

يدخلان إلى حجرة مكتب فتحية القديم يظهر مصطفى
شكرى جالسا إلى مكتبه يكتب..
مصطفى يقف فى ذهول حين يرى فتحية أمامه..
موسيقى..

فتحية تنظر إليه ثم تنظر إلى مكتبها وكرسيتها الخالى..
تظهر الدموع فى عينيها..

على صالح أنا سايب كرسىكى فاضى زى ما انت شايقة..مش
راضى اقعد فيه حد ابدا..

على صالح

على صالح ينظر إلى مصطفى شكرى..

يا ترى فاكرة الاستاذ مصطفى والا لأ؟

على صالح

فتحية تنظر إلى مصطفى وتمد له يدها فى ذهول

طبعا فاكراه..

فتحية

مصطفى يصافحها..يخرج من الحجرة مسرعا..

عن انكم..

مصطفى

فتحية تنظر إليه فى دهشة..

كلوز أب على وجهها وفى عينيها الدموع..

الصالة فى شقة توفيق زكى..توفيق مستلقى على الكنبة
يتحدث فى التليفون ويضحك ويقهقه..

توفيق لا يا شيخة..انت اصلك دلوعة قوى..انا؟ أنا
اموت فى الست الدلوعة..هاها..

يضحك فى مرح ولا مبالاه

يدق جرس الباب..

توفيق لحظة واحدة يا حبيبتي لما أشوف مين على
الباب..

يترك سماعة التليفون..ويفتح الباب..تظهر كوثر
أمامه..بيبدو عليه الاضطراب والمفاجأة..

توفيق أهلا كوثر..اهلا..تعالى..

كوثر تدخل..وتجلس..

توفيق يمسك سماعة التليفون ويتحدث

توفيق ألو..ايوه..طيب أنا حاتكلم بعدين..ايوه..لا
ابدا..بس جالى ضيوف..

مع السلامة..

يضع السماعة..

يجلس إلى جوار كوثر..

توفيق أهلا كوثر..إيه المفاجأة دى؟

كوثر حاولت أتصل بيك فى التليفون ما عرفتش..كان
مشغول على طول

توفيق إيه؟ مالك يا كوثر؟ أنت متغيرة

كوثر تعبانة شوية..

توفيق لا يا شيخة..مش باين إنك تعبانة..فرفشى كده
واضحكى..انت عارفة يا حبيبتي إنى مش باحب
اشوفك مكشرة..

كوثر شاردة فى وجوم..

توفيق لا..لازم فيه حاجة..إيه يا كوثر الحكاية؟

كوثر صامته شاردة..

توفيق مش عاوزة تقوليلى؟ حد يخبى حاجة عن الشخص
اللى بيحبه؟ اتكلمى يا كوثر..حصل حاجة فى

الجورنال ..

كوثر لا ..

توفيق فى البيت؟

كوثر لا ..

توفيق فى الشارع؟

كوثر لا ..

توفيق أمان فىن؟ قولى يا كوثر إيه الحكاية؟ ..

يقتررب منها فى حنان وحب ..

توفيق إنت مش خلاص بتتقى فى وما فىش حاجة

بتخبىها عنى؟

كوثر أيوه ..

توفيق طيب قوليلى .. إيه اللى حصل؟

كوثر أنا ..

تسكت مترددة ..

توفيق إنت أيه؟

كوثر أنا ..

أنا حامل يا توفيق ...

موسيقى ..

كلوز أب على وجه توفيق يعبر عن الارتباك والمفاجأة .. ثم يتظاهر بالهدوء .. يجلس فى صمت ويفكر .. كوثر تنظر إليه وتتأمله .. يرفع رأسه وينظر إليها ..

توفيق وناوية تعملى إيه؟

كوثر إنت رأيك إيه؟

يفكر لحظة فى صمت

توفيق أنا رأيى إنك تتخلصى منه

كوثر تنظر إليه فى أسى وألم ..

تنهض واقفة .. توفيق يقف ..

توفيق إيه وقفت ليه؟

كوثر أبدا .. حاروح ..

توفيق إنت زعلت يا كوثر ..؟

كوثر لا أبدا ..

توفيق أنا فى الحقيقة مش شايف حل غير كده .. أنت

شايفة حل تانى؟

يمسك يدها

توفيق فيه حل تانى يا كوثر؟

كوثر أيوه ...

بيدو على توفيق الارتباك

توفيق
كوثر
ايه هو؟
نتجوز..

توفيق
كوثر
بس.. بس انت عارفة رأيى فى حكاية الجواز..
انا.. انا ما قلتش لك ان احنا حنتجوز..
ايوه.. لكن قلت لى اكثر من كده.. قلت لى ان
احنا مدام بنحب بعض بيقى ما فيش داعى نستنى
لما المأذون بيدينا تصريح بان احنا نكون لبعض..
ايوه قلت كده..
توفيق
كوثر
يعنى الحب اكبر من الجواز..؟
توفيق
كوثر
طبعا..
نبقى احنا متجوزين وأكثر..

توفيق
كوثر
قبل ما امشى عاوزة اقولك انك كداب..
توفيق
كوثر.. انا ما كدبتش عليكى..
انا ما جبنتش سيرة الجواز..
وانا ما ارغمتكيش على حاجة..
انت جيبتي بحريتك..
واتصرفت بارادتك..

توفيق
كوثر
ايوه.. لكن كنت فاهمة انك بتحبنى.. وان الحب
هو كل حاجة.. وان احنا بقينا لبعض.. تقدر
تقولى ساعة ما قولتلى انك بتحبنى وعرضت على
انى اجيلك هنا ما كنتش عارف ان الحب ده لازم
حيكون له نتيجة.. لازم حيكون فيه طفل؟ ما
فكرتتش فى كده؟
توفيق
كوثر
لا.. ما فكرتتش.
ليه؟
توفيق
كوثر
مش عارف..
لأنك مش عاوز تتحمل اى مسئولية فى الحب..
عاوز تمارس الحب بس..
توفيق
كوثر
جايز..
تبقى كداب.. لان اللى بيحب حقيقى بيحب
يتحمل مسئولية الحب.

توفيق ينظر اليها فى صمت

كوثر

انا كنت باجى هنا لانى كنت حاسة انى باحبك
وانى مراتك.. واكثر من مراتك كمان.. لكن انا
اكتشفت ان ورقة الجواز عندك اهم من الحب..
لو كان فيه ورقة بينا دلوقت كان موقفك اتغير..
انا فهمت ليه المجتمع عمل عقود الجواز.. عشان
الرجالة اللى زيك.. الرجالة اللى ما لهم كلمة.. كل
كتاباتك كذب.. وكل كتبك كذب.. وكل مقالاتك
كذب.. لو طلبت منى الجواز دلوقت انا
حارفض.. لانك انسان مزيف..

تستدير وتفتح الباب وتخرج..

توفيق يجلس ويضع رأسه بين يديه ويفكر..

يهز كتفيه بلا مبالاة وينهض..

الصالة خالية..

جرس التليفون يدق.. الدادة تخرج من المطبخ وترفع
السماعة..

الو.. مين حضرتك؟ اهلا وسهلا.. ازيك يا استاذ
الداة
رشاد.. الست كوثر موجودة ايوه.. بس هى فى
السرير.. لا ابدا هى بخير والحمد لله. بس كانت
تعبانه شوية اليومين اللى فاتوا.. لا ابدا يا بيه..
هى كويسة قوى.. بس نايمة.. لحظة واحدة
اصحيا..

يظهر وجه الاستاذ رشاد والد كوثر ممسكا بسماعة
التليفون يتحدث
استاذ رشاد
لا.. خليها مستريحة.. بلاش تصحيا.. انا نازل
مصر بكره وحافوت عليها ان شاء الله.. ايوه..
متشكر.. سلمى عليها كثير..

مع السلامة..

يضع السماعة.. يبدو على وجهه التفكير والقلق..

صوت طفل يبكي وهو يولد
كلوز اب على ذراعين تحملان طفلا مولودا.. يبكي..
/تظهر دولت حاملة الطفل تداعبه.. وتظهر نبيلة راقدة
فى السرير بعد الوضع..

دولت بس.. بس.. يا حبيبي..

بس.. بس يا دوحة بس..
هاتى عنك شوية يا دولت..
دولت بسم الله الرحمن الرحيم..

دولت تتاولها الطفل

اسم الله عليه..

دولت تتأمل عيني الطفل..
كلوز اب على وجه الطفل..

دولت تعرفى يا نبيلة عنيه كلها عينين ممدوح

فى همس

انا لاحظت كده.. بس اسكتى.. زكريا جاى..

نبيلة

فى همس

يدخل زكريا.. تبدو عليه السعادة

ازيك يا نبيلة النهاردة؟

زكريا

الحمد لله. احسن كثير..

نبيلة

وازى ممدوح؟

زكريا

ينظر إلى الطفل

كويس خالص.. اسم الله عليه.. خد شيله شوية..

دولت

تتاوله الطفل..

شيل ابنك يا دكتور زكريا.. بسم الله الرحمن

الرحيم.. تعرفى يا نبيلة الواد طالع كله ابوه..

الخالق الناطق..

طبعا.. امال عاوزاه يطلع لامه؟ لازم يطلع لابوه..

زكريا

زكريا يحمل الطفل ويتأمله فى سعادة

تعرفى يا نبيلة صحيح الواد طالع شبهى خالص..

زكريا

يقبل الطفل وينظر فى عينيه

طبعا.. عشان كده طالع حلو..

نبيلة

نبيلة تضحك

زكريا يضحك وكذلك دولت تضحك.. الطفل يبكي بكاء

شديدا.. صوت البكاء يختلط بصوت الضحك..

حجرة نوم كوثر فى الشقة رقم 112.. كوثر راقدة فى السرير

والدها يجلس على طرف السرير إلى جوراها..

الأب
عمرك ما خبيتى عنى حاجة يا كوثر.. عودتك
دايما على انك تفتحى قلبك لى.. قوليلى يا كوثر
الحقيقة..

كوثر
عمرى ما كدبت عليك يا بابا.. لكن.. المرة دى
مش حاقدرا اقول كل حاجة..

بيدو على كوثر الالم الشديد..

الأب ينظر فى عينيى كوثر..

كلوزاب على وجه كوثر..

الأب يطرق لحظة مفكرا ثم يرفع راسه وينظر إلى
كوثر..

الأب
كنت بتحببته؟

كوثر
ايوه..

الأب
وهو..

كوثر
كان كداب..

الأب يفكر لحظة..

الأب
اسمعى يا كوثر.. زى ما كنت بقولك دايما ما
تندميش على حاجة فاتت.. ومدام كنت صادقة مع
نفسك تبقى ما خسرتيش حاجة.. اللى بيكسب فى
الحياة يا بنتى هو اللى بيعيش لحظاتها بصدق..
واللى بيكدب على نفسه أو على غيره هو اللى
بيخسر..

كوثر تتفجر فى البكاء وتضع رأسها فى حجر ابيها
وتبكى.. الأب يربت عليها فى حنان..

كلوزاب على وجه الأب عينييه مليئة بالدموع..

كوثر
انا غلطت يا بابا.. ارجوك سامحنى..

الأب
ما فيش حد ما بيغلطش يا بنتى.. المهم انك
تستفيدى من الغلط..

كوثر
الغلطة كانت كبيرة يا بابا..

الأب
التجارب القاسية يا كوثر هى اللى بتعمل
الانسان.. كانها بوتقة.. بينصهر فيها.. ويخرج
منها اصفى وانقى من الاول.. اسمعى يا كوثر
مهما كانت الغلطة مدام كتشفيتها وصلحتها تبقى

انتهت.. ولازم تكبرى عليها..

كوثر تجفف دموعها.. تنظر إلى ابيها فى حب وثقة..
تمسك يده وتقبلها..

كلامك يا بابا بيطمنى.. بيقوينى.. بيخلينى اكبر
على اى حاجة تقف فى طريق حياتى.. بابا.. انا
خلاص مش حايط.. انا حاسة دلوقت انى بقيت
اقوى من الاول.. واكبر من الاول.. انا الللى
كسبت التجربة لانى كنت حقيقية مع نفسى.. وهو
الللى خسر لانه كان مزيف.. جايز انا تعبت شوية
صحيح.. لكن هو حيتعب على طول.. والتعب
النفسى اقسى من اى تعب يصيب الجسم..

كوثر

بابا..

كوثر

بابا.. انت ولدتنى مرة تانية النهاردة.. انا باحيك يا
بابا..

كوثر تنهض من السرير وتقترب من ابيها ممسكة بيده..

تعانق اباها فى حب شديد..

كلوز اب على وجهها يعبر عن الفرح والحماس والعودة
إلى الحياة والامل..

مصطفى شكرى يجلس على كرسى مطرق إلى الارض
فى تفكير عميق.. يظهر ان فتحية تجلس هى الاخرى
على كرسى بعيد عنه قليلا..

مصطفى ينهض وقد بدا عليه الغضب

مصطفى
انا ملييش رأى فى الموضوع ده.. انت حرة..
اعملى اللى انت عاوزاه.. انت ما اخديش رأى لما
عزمتى تتجوزى على صالح.. ليه جاية تاخدى
رأى لما عزت تسيبيه؟

فتحية
انا باحبك يا مصطفى.. وعشان كده مش قادرة
اعيش مع على صالح..

مصطفى
بتحبينى؟ ولما بتحبينى رحت اتجوزت على صالح
ليه؟ ليه؟

مصطفى يضحك فى سخرية...

يثور ثورة عنيفة ويلوح بيديه فى غضب شديد

دستى على عشان الفلوس...
حطمت قلبى عشان راجل عجوز.. وبعد ما شبع
من الفلوس جاية عاوزة تشبعى من الحب.. أنت
انانية.. حطمتينى.. وحطمت على صالح.. وحطمت
مراته.. وحطمت بناته.. كل ده عشان جشعك
وطمعك.. أنت كدابة.. مش عاوز اشوفك.. انا
باكرهك.. باكرهك..

يجلس على الكرسى محطم الاعصاب يمسك رأسه بين
يديه ويبكى كالاطفال..

فتحية تنظر إليه فى ألم.. الدموع فى عينيها.. تمسك
حقيبة يدها وتتركه وتخرج وهى حزينة شاردة..

الصالة فى شقة مطلقه على صالح..

مطلقه على صالح تضع الطعام على المائدة..بناتها
الثلاثة يجلسن إلى المائدة يأكلن..

الام تجلس معهم تنتظر إليهم فى رعاية وحنان وهن
يأكلن..

نهاد الله..تسلم ايديكى يا ماما..

الام بالهنا والشفاء يا بنتى..

هدى ربنا يخليكى لنا يا ماما..

الأم ويخليكوا لى يا رب..

نادية تعرفى يا ماما أنا أول ما أخرج من المدرسة وأقبض

أول ماهية حاعمل أيه؟

الأم أيه يا نادية؟

نادية حاشترى لك بالطو فورير شيك قوى..

الأم كتر خيرك يا بنتى..ربنا يسعدكم يا رب..

الام تضحك فى سعادة

يدق جرس الباب..الأم تفتح الباب تظهر فتحية واقفة..

موسيقى..

الأم تنتظر إليها فى دهشة..

الأم أهلا..أهلا وسهلا..أفضلنى

البنات الثلاثة ينظرن إليها فى دهشة..فتحية تدخل

وتجلس على الكنبه فى الصالة..

تنتظر إلى البنات الجالسات إلى المائدة ويبدو عليها الالم

والندم..

تظهر الدموع فى عينيها..

الأم خدى اخواتك يا نهاد جوه..

نهاد حاضر يا ماما..

الأم أهلا وسهلا..شرفت يا هانم..

البنات يدخلن إلى حجرتهن

فتحية تنفجر فى البكاء

فتحية أرجوكى سامحيني..انا غلطت وعاوزة أصلح
غلطتى..

الام تتظر إليها فى صمت..

فتحية أنا كنت عامية..كنت جاهلة..ارجوكى سامحيني..

فتحية تبكى..الام ترفع يدها فى تردد وترت عليها فى رقة..

الأم المسامح رينا..

تتظر إليها فى تساؤل

فتحية أنا حسيت بغلطي و..... وسبيته ..سبيته
عشانكم .. كان دايمًا فاكركم ..ويحبكم ..عمره ما
نسيكم يوم واحد..

الأم الام تنتهد فى أسي..
واحنا كمان عمرنا ما نسيناه يوم واحد..دى عشرة
عشرين سنة يا بنتى..

تتظر إليها فى تساؤل وقلق

وهو فين

فتحية فى البيت..

أرجوكى ترجعى له تانى..هو محتاج لك ومحتاج
للبنات.

الأم وهو بخير...

فتحية أيوه..لكن تعبان شوية..

الأم تعبان؟ ازاي؟

بيدو على الام القلق والخوف

فتحية هو كويس..بس عاوز يشوفكم..

فتحية كان دايمًا تعبان لأنه بعيد عنكم..

الام تفكر وهى مطرقة..

عن اذنك..

فتحية تنهض..

الأم كتر خيرك يا بنتى..

مع السلامة..

فتحية الله يسلمك..

فتحية تخرج..

الأم نهاد

الام تتادى على نهاد

نعم يا ماما..

نهاد

نهاد تظهر

الأم اجرى يا حبيبتي روحى لباباكي فى البيت شوفيه
عاوز حاجة ليكون عيان والا حاجة..

هو سابها يا ماما..

نهاد

الأم هى اللى سابته يا بنتى..

اجرى يا نهاد طمنينا عليه..

ده ابوكم برضه..

حاضر يا ماما..

نهاد

نهاد تخرج..

كلوز اب على وجه الأم يعبر عن التفكير والامل..

فتحية تقف وهي تمسك بحقيبة ملابس كبيرة امام الباب
الخارجى للشقة رقم 112..

تتطلع الى الباب.. والى الرقم 112 فى الم وشروود..
تضع يديها على الجرس وتضغط عليه...

حجرة نوم كوثر...
كوثر جالسة الى مكتبها تكتب.. يسمع صوت الدادة من
الخارج ترحب بقدوم فتحية..
كوثر تنهض لترحب بفتحية..
فتحية تدخل الى حجرة كوثر..

الدادة
اهلا ست فتحية.. اهلا وسهلا.. اتفضلى.. ابوه.. الست
كوثر موجودة...

كوثر
اهلا فتحية... اهلا اهلا..

كلوز اب على وجه فتحية يعبر عن الحزن.. فى عينيها
دموع.. كوثر تقترب منها وتمسك يدها..

كوثر
اقعدى يا فتحية.. مالك؟ انت تعبانة؟

فتحية تلقى راسها على كتف كوثر وتجهش بالبكاء...

كوثر تواسيها وتربت عليها فى حنان شديد

كوثر
تعالى يا فتحية استريحى.. تعالى..

تأخذها وتجلسها على سريرها.. وتأخذ منها حقيبتها.. ثم
تجلس الى جوارها

كوثر
مالك يا فتحية؟

فتحية
خسرت كل حاجة يا كوثر.. خسرت مصطفى.. وخسرت
على.. وخسرت شغلى.. مابقاش لى حد يا كوثر..

تبكى....

كوثر
ليه يا فتحية؟ وانا رحمت فين؟ انت زى اختى يا فتحية
واكثر... والبيت ده بيتك.. وكل حاجة تتصلح...

فتحية
حاعيش ازاي يا كوثر؟ مش ممكن ابقى عالـه عليكى...

كوثر
عاله ليه يا فتحية؟ انت ترجعى الشغل ويبقى ايرادك
وفلوسك..

فتحية
ياريتتى سمعت كلامك يا كوثر.. الفلوس مش كل حاجة..
لكن انا ما كنتش عارفة...

كوثر
معلش يا فتحية.. كلنا بنغلط المهم ان احنا نتعلم من
الغلط بتاعنا..

فتحية
انا شفت ايام وحشة يا كوثر... كنت اروح واقف جنب

الدكان واستخبي ورا الحيط لغاية العيال ما يشترو الحلاوة
ويرموا الورق فى الارض ويعد ما يمشوا... اطلع من ورا
الحيط والم الورق الحلاوة والحسه بلسانى... وكان الراجل
صاحب الدكان يضربنى ويقولى امشى يا بنت الكلب...
انت بتسرقى الحلاوة..

فتحية تبكى فى الم... كوثر تنظر اليها فى اشفاق
شديد...

فتحية الفقر علمنى الخوف يا كوثر... والفلوس كانت بتظمنى..
بتظمنى اكثر من الحب

تبكى

كوثر فتحية.. انت لازم تستريحى دلوقت.. انت تعبانه قوى...
تعالى معايا يا فتحية...

فتحية

حاروح فين؟

كوثر

تستريحى شوية فى اودتك...

فتحية

اودتى؟ هى لسه موجودة؟

كوثر

طبعا.. زى ما هى... ما تغيرتش....

فتحية تعانق كوثر فى حب وامتان

فتحية

يا حبيبتى يا كوثر.. رينا يخليكى لى...

بتعانقان فى حب وصدائة...

الصالة فى شقة نبيلة... نبيلة تجلس على الكنبه والى
جوارها ممدوح يضحكان فى سعادة... ممدوح ينظر فى
ساعته.. نبيلة تنظر اليه

نبيلة ايه؟ لسه بدرى..
ممدوح ميعاد زكريا قرب...
نبيلة لا... لسه بدرى..
ممدوح الوقت معاكى يمر بسرعة...
نبيلة تبتم...
تصورى يا نبيلة لو كان ده بيتنا انا وانت.. انا
خايف عليكى يا نبيلة...
نبيلة ليه؟

ممدوح مجيئى هنا بيعرض حياتك للخطر
نبيلة خطر؟ ايه؟
ممدوح جايز زكريا يرجع صدفه..
نبيله مش معقول...
نبيلة فيه ايه؟
ممدوح انا سمعت صوت عربية...
نبيلة مش معقول... يا خبر.. دى عربيه زكريا..
ممدوح ايه العمل.. حانزل منين؟
نبيلة ما فيش سلم تانى.. تعالى استخبي هنا..
ممدوح فين؟ تحت الكنبه؟
نبيلة ايوه.. بسرعة...
ممدوح مش معقول.. حادخل ازاي؟

يسمع صوت عربية تقف على باب البيت
ممدوح ينهض مذعورا...

نبيلة تجرى الى النافذة وتطل منها.. يبدو عليها الذعر..
ممدوح مرتبك بشدة
نبيلة مذعورة
تشير الى تحت الكنبه

ممدوح يدخل تحت الكنبه بصعوبة
يفتح الباب الخارجى ويدخل زكريا.. نبيلة تحاول ان تمثل
الهدوء..

نبيلة اهلا زيكه.. ايه؟ انت سبت العيادة بدرى قوى
الليلة..
زكريا لا.. انا جاى آخذ جهاز الضغط التانى.. مش
عارف الجهاز اللى كان فى العيادة راح فين..
نبيله ايه ضاع؟

زكريا يدخل الى حجرة مكتبه بالبيت...

نبيلة لا تزال تقف فى الصالة وتكلمه

صوت زكريا ياتى من الداخل...

زكريا
نبيلة
زكريا
مش عارف يظهر نسيته فى بيت حد من العيانيين..
يمكن التمورجى..
لا التمورجى امين جدا.. ده عندى من عشر سنين
وما فيش حاجة ضاعت من العيادة..

زكريا يجلس على الكنبه ويفتح الجهاز يجربه

زكريا
والا لأ
الجهاز ده مكون بقى له سنين.. يا ترى بيشتغل

يجرب الجهاز... كلوز اب على وجهه ممدوح وهو راقد
تحت الكنبه.. يبدو عليه الاضطراب والخوف.. نبيله تقف
مضطربة بعض الشئ..

نبيلة
لا لازم كويس... لازم بيشتغل

زكريا ينظر اليها ويلاحظ اضطرابها

زكريا
نبيلة
زكريا
نبيلة
ايه؟ انت مالك؟
ابدا ولا حاجة...
انت متغيرة خالص.. لونك مخطوف.. فيه حاجة؟
لا ابدا.. ما فيش حاجة... يمكن تعبانه شوية من
وقفه المطبخ

نبيلة يزيد اضطرابها...

زكريا يتاملها ثم يواصل تجربة الجهاز فى صمت.. ينظر
اليها فى شك وريبة.. يضع الجهاز فى حقيبته ويسير الى
الباب ليخرج.. يعود وينظر الى نبيلة فى شك.. يخرج..
نبيلة تجلس منهارة على الكرسى لحظة.. ممدوح يتكلم من
تحت الكنبه فى همس

ممدوح
خرج؟

نبيلة
استنى شوية لما اشوفه مشى بالعربية

تسير الى النافذة وتطل منها يسمع صوت العربية وهى
تبدأ المسيرة

نبيلة تتنفس فى راحة.. تجرى الى الكنبه

نبيلة
خلاص مشى.. اطلع يا ممدوح

ممدوح يخرج من تحت الكنبه.. ينفض ملابسه ويمسح
عرقه...

ممدوح
انا مفاصلى سابت خالص..

نبيلة
امال انا اعمل ايه؟

ممدوح
يا نبيلة.. انا مش حاجى تانى هنا..
مش قلت لك يا نبيلة ان مجيئى هنا خطر.. اسمعى

واشوفك ازاي يا ممدوح؟
تعالى انت عندي...
العمارة بتعاتك فيها دكاترة كتير زميل زكريا
ويعرفونا...
يعنى مين حيعرف انك طالعة عندي...

نبيلة
ممدوح
نبيلة
ممدوح

يفتح الباب فجأة ويدخل زكريا..
نبيلة تقف مشدوهة وكذلك ممدوح.. زكريا ينظر اليها فى
دهشة شديدة..

ايه ده؟ مين ده؟
مين ده؟

زكريا

يقترب من نبيلة فى غضب

نبيلة ترتجف من المفاجأة تتلعثم...

ده... ده... ده...
ده مين؟ ... انطقى
ده كان زميلى...

نبيلة
زكريا
نبيلة

ممدوح يتحرك قليلا من مكانه

ايوه...
اخرس.. اتفضل بره.. بره..
متأسف...

ممدوح
زكريا
ممدوح

ممدوح يخرج مرعا
زكريا ينظر الى نبيلة نظرة شديدة الغضب والثورة..
كلوزاب على وجه زكريا...
نبيلة تقف امامه فى اضطراب..

اديني فرصة يا زكريا اشرح لك..
اخرسى.. مش عاوز اسمع ولا كلمة.. عاوز اقول
لك انى ما كنتش مغفل.. كنت عارف انت بتعملى
ايه من ورايا.. كنت بشك فيكى من مدة.. وصممت
على ان اضبطك.. انا مش اعمى.. ومش مغفل..
اديني فرصة يا زكريا..
اخرسى يا خاينة.. مش عاوز اشوفك فى البيت ده
تانى.. امشى اطلعى بره.. بره.. بره..

نبيلة
زكريا
نبيلة
زكريا

زكريا يقاطعها فى غضب..

يقترب منها ملوحا يده فى وجهها.. نبيلة تبتعد عنه فى
خوف وذعر وحزن..

حجرة مكتب فى الجرنال..

كوثر تجلس الى مكتبها تكتب..

يحيى بدر يدخل ومعه اوراق.. يجلس الى مكتبه.. يبدو عليه الغضب...

يحيى خلاص مش قادر اشتغل مع الراجل ده..

كوثر تنتظر الى يحيى..

يحيى مش قادر استحمل تفاهته.. دى مش صحافه .. دى تهريج..

يحيى يواصل كلامه غاضبا..

كوثر لازم تنفذ رأيك انت..

يحيى ورأى السيد رئيس التحرير..

كوثر رايك أنت اهم..

يحيى تقولى لمين يا كوثر الكلام ده..

مادام هو رئيس تحرير وانا محرر بس يبقى رأيه هو الاله ورأيه هو الصح...

كوثر غلط.. لازم تفرض رأيك ما دام مقتنع بيه..

يحيى ازاي بس يا كوثر...؟

كوثر تعرف احنا عينا ايه يا يحيى؟

ان احنا مش بنقول لرؤسائنا لما يغلطوا لأ...

يحيى اما احنا لو قلنا لا مش حناكل عيش ابدأ... ما حدش بيموت من الجوع الخوف هو بيخسر كل حاجة...

كوثر تأخذ بعض اوراقها وتدخل الى حجرة رئيس التحرير...

توفيق زكى يجلس الى مكتبه يتحدث مع عصام فريد....
كوثر تدخل.. عصام يقف ليصافحها

عصام اهلا كوثر...

كوثر اهلا استاذ عصام

كوثر تصافحه فى احترام..

ثم تضع الاوراق امام توفيق زكى دون ان تنتظر اليه..

عصام موضوعك اللي فات كان ممتاز يا كوثر

كوثر مرسى قوى يا استاذ عصام

عصام انت لازم تكتبى كتير.. قصدى ما تكتفيش بالمواضيع الصحفية.

انت ممكن تكتبى ادب.. وادب كويس..

كوثر انا فعلا باكتب يا استاذ عصام

توفيق يشعل سيجارة.. يبدو عليه الضيق

عصام تكتبى ايه؟

كوثر باكتب قصة طويلة..

عصام برافو.. حنتشرها فين؟

كوثر مش عارفة..

عصام على العموم اكتبها وهاتيها لى..

اذا اعجبتى.. انا حانشرها..

كوثر مرسى قوى يا استاذ عصام

بيدو على كوثر الفرح

تصافحه فى حرارة وتخرج..

توفيق ايه المجاملات دى؟ جر شكل ده والا ايه؟

عصام انت عارفتى.. انا مش بتاع الكلام ده..

توفيق عارفك.. وعلشان كده مستعرب..

عصام انا اقصد كل كلمة قلتها لها..

كوثر بتكتب كويس قوى يا توفيق..

توفيق سيبك من حكاية الكتابة دي.. انت كنت بتبصلها

بطريقة غريبة قوى..

عصام يظهر انك فاضى..

توفيق على فين؟

عصام مروح..

توفيق مش حنتغدى سوا؟

عصام عندى شوية شغل فى البيت.

عصام ينهض ليخرج..

يصافح توفيق

توفيق على العموم حاكلمك الليلة..

عصام طيب

توفيق مع السلامة يا عصام

عصام الله يسلمك

عصام يخرج.. توفيق يجلس الى مكتبه يفكر فى وجوم..
